

四庫全書

經部

欽定四庫全書

經部

書傳輯錄纂註卷

三

詳校官監察御史<sub>臣</sub>查善長

通政使司副使<sub>臣</sub>莫瞻菴覆勘

總校官降調編修<sub>臣</sub>倉聖詠

校對官中書<sub>臣</sub>王慶長

謄錄監生<sub>臣</sub>陳守觀

欽定四庫全書

書傳輯錄纂註卷二

元董鼎撰

夏書

夏禹有天下之號也書凡四篇禹貢作於虞時而係之夏書者禹之王以是功也

禹貢

上之所取謂之賦下之所供謂之貢是篇有貢有賦而獨以貢名篇者孟子曰夏后

氏五十而貢貢者較數歲之中以為常則輯錄貢又夏后氏田賦之總名今古文皆有其

因說禹貢云禹貢一書所記地理治水曲折多不甚可曉竊意當時治承事畢却總作此一書

政自冀州王都始如今人方量畢總作一門單耳禹自言子決九川距四海濬畎澮距川一篇

禹貢不過此數語極好細看今人說禹治水始於壺口鑿龍門某未敢深信方河水洶湧其勢迅激縱使鑿下龍門恐這石仍舊壅塞又下面水未看分殺必且潰決四出蓋禹先決九川之水使各通于海又濬畎澮之水使各通于川使天水有所入小水有所歸禹只是先從低處下手若下面之水盡殺則上面之水漸淺却方可下手九川盡通則導河之功已及八分故某嘗謂禹治水當始于碣石九河蓋河患惟兗為甚兗州是河曲處其曲處兩岸無山皆是平地所以潰決常必在此故禹自其決處導之用功尤難孟子亦云禹疏九河濬濟澤而注之海蓋皆自下流疏殺其勢耳若蘇則只是築埝之所以九載而功弗成也書說禹之治水乃是自下而上了又自上而下後人以為自上而下此大不然不先從下治水却先從上理會下水泄未得

上當愈甚是其治水如此庚此書多句為文而尤嚴於一字之用其條理精密而義例可推因不待傍引曲證而後通學者纂註夏氏曰此篇當玩索而得之復齋集義  
以貢名篇者治水成功後條陳九州所有以為定法實以任土作貢為主故以貢名王氏矣  
曰九州有賦有貢凡賦諸侯以供其國用者也凡貢諸侯以獻於天子者也挈貢名篇有大一統之義存焉

# 禹敷土隨山刊木奠高山大川

敷分也分別土地以為九州也奠定也定高山

大川以別州境也若兗之濟河清之海岱揚之淮海雍之黑水西河荆之荆衡徐之海岱淮豫之荆河梁之華陽黑水是也方洪水橫流不辨區域禹分九州之地隨山之勢相其便宜斬木通道以治之又定其山之高者

纂

新安陳氏曰定高山大川為表識乃疆理大規模功成祭告如後三言旅山亦有之苟專謂奠定祀禮則

冀州帝都之地三面距河兗河之西雍河之東  
豫河之北周禮職方河內曰冀州是也八州皆

冀都正  
是天地

中間底好風水山脉從雲中發來雲中正高脊處自脊以西之水則西流入於龍門西河自脊以東之水則東流入於海前面一條黃河環繞右畔是華山自華來至中為嵩山是謂前案遂過去為泰山聳於左淮南諸山為第

二重案江南諸山纂註唐孔氏曰冀堯都諸州冀為先  
為第三重案格言治水先從冀起為諸州之首記

其役功之法成四百家曰冀三面距河河自積石東

北流入中國則折而南流雍州在其西故曰西河至華

陰折而東流豫州在其南故曰南河至大伾又折而西

北流兗州在其東故曰東河以三州考之則冀州在東

河之西西河之東南河之北此冀州境也冀地最廣充

最狹冀今河東河北皆在焉居天下四分之一舜分為

幽并幽州燕薊幽涿朔莫等州是其域也并州太原澤

潞晉代汾絳等州是其域也武夷熊氏曰冀州北距

長城依山為塞即北狄之境獫狁匈奴突厥契丹皆居

其地有天下者定都建邑長安洛陽之外此亦一會也

既載壺口經始治之謂之載壺口山名漢地志在河東

郡北屈縣東南今隰州吉鄉縣也今案既

載云者冀州帝都之地禹受命治水所始在所當先經

始壺口等處以殺河勢故曰既載然禹治水施功之序

則皆自下流始故次充次青次徐次揚次荊次豫次梁  
次雍充最下故所先雍最高故獨後禹言子決九川距  
四海濬畎澮距川即其用工之木末先決九川之水以  
距海則水之大者有所歸又濬畎澮以距川則水之小  
者有所泄皆自下流以疏殺其勢讀  
輯錄既者已事之  
高貢之書求禹功之序當於此詳之  
辭篇內凡言  
既者做此載者始有事也復齋集義予決九川距四海  
濬畎澮距川聖人做事便有大綱領先決九川距四海  
了却逐漸爬疏小水令至川學者亦先識箇大形勢如  
江河淮先合識得渭水入河上面漆沮涇等又入渭此  
是第二重事方子論形勢先識大綱如水則中國莫大  
於河南方莫大於江涇渭則入河者也先定箇大者則  
小者便易考又曰天下有三大水江河混同江是也混  
同江不知所出邪迤東南流入海其下為遼海遼東遼  
西指此水而纂註林氏曰先儒皆以冀州既載為句蓋  
分也學蒙纂註因註疏有賦役載書之說據經但有



既載二字無載書之意當從蘇氏以既載壺口為句詩曰假載南畝謂始有事於南畝此亦始有事於壺口也治

梁及岐

梁岐皆冀州山梁山呂梁山也在今石州離石縣東北爾雅云梁山晉望即冀州呂梁也呂不韋曰

龍門未闢呂梁未鑿河出孟門之上又春秋梁山崩左氏穀梁皆以為晉山則亦指呂梁山矣鄴道元謂呂梁之石崇疎河流激盪震動天地此禹既事壺口乃即治梁也岐山在今汾州介休縣孤岐之山勝水所出東北流注於汾鄴道元云後魏於胡岐置六壁防離石諸胡因為大鎮今六壁城在勝水之側實古河運之險阨二山河水所經治之所以開河道也先儒輯錄他所舉山川皆先後績以為雍州岐梁者非是韞者觀成功而言也壺口梁岐太原皆先績後地者本用功之始纂註陳氏大猷曰而言也豈治之有難易歟復齋集義纂註魏志梁山北有龍門禹所鑿此最用功處水患莫甚於河河莫險於龍門呂梁鑿間疑就狹處鑿而廣之未必如賈讓所謂

墮斷天地之性也 呂氏曰此禹最用功處故首及之  
孟子謂禹行其所無事如鑿龍門折底柱開伊閼豈無  
事哉鑿所當鑿不憚難而止乃是行所無 既修太原至  
事也若避難就易而謂行所無事可乎

于岳陽

原因繇之功而修之也廣平曰原今河東路太  
原府也岳太岳也周職方冀州其山鎮曰霍山

地志謂霍太山即太岳在河東郡龍縣東今晉州霍邑  
也山南曰陽即今岳陽縣地也堯之所都揚子雲冀州  
歲曰岳陽是都是也蓋汾水出於太原  
經於太岳東入於河此則導汾水也 單懷底績至于

衡漳

車懷平地名地志河內郡有懷縣今懷州也曾氏曰  
車懷平地也當在孟津之東太行之西洩水出乎

其西淇水出乎其東方洪水懷山襄陵之時而平地致  
功為難故曰底績衡漳水名衡古橫字地志漳水二一  
出上黨沾縣大屯谷今平定軍樂平縣少山也名為清  
漳一出上黨長子縣鹿谷山今潞州長子縣發鳩山也

名為濁漳鄆道元謂之衡水又謂之橫水東至鄆合清漳東北至阜城入北河鄆今潞州涉縣也阜城今定遠軍東光縣也又案桑欽云二漳異源而下流相合同歸於海唐人亦言漳水能獨達於海請以為瀆而不云入河者蓋禹之導河自泇水大陸至碣石入於海本隨西山下東北去周定王五年河徙碣磔則漸遷而東漢初漳猶入河其後河徙日東而去漳水益遠至欽時河自大伾而下已非故道而漳自入海矣故欽與唐人所言者輯錄從覃懷致功而北纂註孔氏曰漳水橫流入如此輯錄至衡漳復齊集義纂註河故曰衡漳曾氏曰河自大伾北流漳水東流而注之也形東西為橫南北為從河北流而漳東注則河從而漳橫矣沾他燕反厥土惟白壤漢孔氏曰無塊曰壤顏氏曰柔土曰壤夏氏曰周官大司徒辨十有二壤之物而知其種以教稼穡樹藝以土均之法辨五物九等制天下之地征則夫教民樹藝與因地制貢固不可不先

於辨土也然辨土之宜有二白以辨其色壤以辨其性也蓋草人糞壤之法駢剛用牛赤緹用羊墳壤用麋渴澤用鹿糞治田疇各因色性而辨其所當用也曾氏曰冀州之土豈皆白壤云然者土會之法從其多者論也

纂註

陳氏大猷曰白言色壤言質水患退而後土性復色質辨始可興地利定賦法也周禮注釋五物

地之五色九等駢剛以下之九等緹音低絳色也渴其列反鹵也渴澤故水處也會古外反計也以土計貢稅

之厥賦惟上上錯厥田惟中中

賦田所出較米兵車之類錯雜也賦第一等而

錯出第二等也田第五等也賦高於田四等者地廣而人稠也林氏曰冀州先賦後田者冀王畿之地天子所自治併與塲圃園田漆林之類而征之如周官載師所載賦非盡出於田也故以賦屬於厥土之下餘州皆田之賦也故先田而後賦又案九州九等之賦皆每州歲入總數以九州多寡相較而為九等非以是等田而責

其出是等賦也冀獨不言貢篚者冀  
天子封內之地無所事於貢篚也  
輯錄常出者為正  
錯在上上之下則間出第二等也賦有九等此乃計九  
州歲入多寡相較以為之等非科定取民也取民則皆  
用什一賦入既有常數而又有間出他等之時者歲有  
豐凶不能皆如其常故有錯法以通之然則雖夏法亦  
未嘗不通也而孟子以為不善者雖間有  
通融未若商周之全通於民也東齊集傳纂註孔氏曰  
正少者為雜新安陳氏曰場圃等之征載師掌之材木  
蒲葦等林衡澤虞掌之金錫禽魚牝人牧人罾人掌之  
他以類推周官九貢致邦國之用用於諸侯王畿則止  
於九賦餘財亦此意又案錯法東齊所引朱氏與梁州  
厥賦下蔡傳不合然蔡  
亦似未為的姑並存之  
恒衛既從大陸既作  
志出常山郡上曲陽縣恒山北谷在今定州曲陽縣西  
北恒山也東入滌水薛氏曰東流合滌水至瀛州高陽縣

入易水昆氏曰今之恒水西南流至真定府行唐縣東  
流入於滋水又南流入於衡水非古逕矣衡水地志出  
常山郡靈壽縣東北即今真定府靈壽縣也東入滹沱  
河薛氏曰東北合滹沱河過信安軍入易水從從其道  
也大陸孫炎曰鉅鹿北廣阿澤河所經也程氏曰鉅鹿  
去古河絕遠河未嘗逕邢以行鉅鹿之廣阿非是紫爾  
雅高平曰陸大陸云者四無山阜曠然平地蓋禹河自瀘  
相以北皆行西山之麓故班馬王橫皆謂戴之高地則  
古河之在貝冀以及枯澤之南率皆穿西山踵趾以行  
及其已過信澤之北則西山勢斷曠然四平蓋以此地  
謂之大陸乃與下文北至大陸者合故隋改趙之昭慶  
以為大陸縣唐又割鹿城置陸渾縣皆疑鉅鹿之大陸  
不與河應而亦求之向北之地杜佑李吉甫以為邢趙  
深三州為大陸者得之作者言可耕治水患既息而卑  
地之廣衍者亦可耕治也恒衡水小而地遠  
大陸地平而近河故其成功於田賦之後

纂註

呂氏曰言

水土平於田賦之前者其害大當先治也言於田賦後其害小徐治之也

### 島夷皮服

海曲曰島夷

以皮服纂註新安陳氏曰島海中山王氏炎曰北地寒來貢也故服用皮南地暖故服用卉先儒以皮服為

島夷之篚非也如萊夷縻絲島夷織貝明以篚志之此第志其服與中國異聖人亦因其俗而不革爾

### 夾右

### 碣石入于河

碣石地志在北平郡驪城縣西南河口之地今平州之南也冀州北方貢賦之來自北海

入河南向西轉而碣石在其右轉屈之間故曰夾右也程氏曰冀為帝都東西南三面距河他州貢賦皆以達河為至故此三方亦不必書而其北境則漢遼東西北平漁陽上谷之地其水如遼濡潯易皆中高不與河通故必自北海然後能達河也又案鄭道元言驪城枕海有石如甬道數十里當山頂有大石如柱形韋昭以為碣石其山昔在河口海濱故以誌其入貢河道歷世既久為水所漸淪入于海已去岸五百餘里矣戰國策以碣石在常山郡九

門縣者恐名偶同而鄭輯錄石山負海當河入海之衝

氏以為九門無此山也

輯錄

自海道夾出碣石之右然後

入河而連帝都也冀州三面距河其建都實取轉漕之利  
朝會之便故九州之終皆言達河以紀其入帝都之道東  
齊集傳冀實帝都亦曰入河者為北境絕遠者言之以明  
海道亦可至也復齊集義禹當時治水也只理會河患餘  
處亦不大段用功夫河水之行不得其所故泛濫浸及他  
處觀禹用功初只在冀州及兗青徐雍却不甚來東南積  
石龍門所謂作十三載乃同者正在此處龍門至今橫石  
斷流水自上而下其勢極可畏向未經鑿治時龍門正道  
不甚泄故一派西滾入關陝一派東滾往河東故此為患  
最甚禹自積石至龍門著工夫最多又其上散從西域去  
往往亦不甚為患行河東者多流黃泥地中故只管推洗  
泥汁只管疑滯淤塞故道漸狹值上流下來纔急故道不  
泄便致橫湍他處先朝亦多造纂註孔氏曰碣石海畔  
鐵為治河器竟亦何濟賀孫蘇氏曰夾挾



也自海入河逆流而西濟河惟兗州兗州之域東南據右顧碣石如在挾掖也

見導水蘓氏曰河濟之間相去不遠兗州之境東南跨

濟非止於濟也愚謂河昔北流兗州之境北盡碣石河

右之地後碣石之地淪入於海河益徙而南濟河之間

始相去不遠蘓氏之說未必然也林氏曰濟古文作

涕說文注云此兗州之濟也其從水從齊者說文注云

出常山房子縣贊皇山則此二字音同義異當以古文

為纂註林氏曰自兗而下八州皆以高山大川定逐州

正鄭漁仲謂禹貢以地名州為萬代地理家成憲武

夷熊氏曰兗州當河之下流西距河東距濟北濱海南

接徐豫之境其地平曠演迤無高山即今兗濟德棣魏

博滄景等州之地唐孔氏曰據謂跨之距至也兗州

之境跨濟九河既道九河爾雅一曰徒駭二曰太史三

而過之曰馬頰四曰覆鬴五日胡蘓六曰

次之四事合三百書傳輯錄纂註八

簡潔七曰鈎盤八曰葛津其一則河之經流也先儒不知河之經流遂分簡潔為二既道者既順其道也徒駭河地志云滹沱河寢宇記云在滄州清池南許商云在平城馬頰河元和志在德州安德平原南東寢宇記云在棣州商河北輿地記云即為馬河也覆鬴河通典云在德州安德胡蘓河寢宇記云在滄之饒安無棣臨津三縣許商云在東光簡潔河輿地記云在臨津鈎盤河寢宇記云在樂陵東南從德州禹昌來輿地記云在樂陵平津河寢宇記云在樂陵東西北流入饒安許商云在鬲縣輿地記云在無棣太史河不知所在自漢以來講求九河者甚詳漢世近古止得其三唐人集累世積傳之語遂得其六歐陽忞輿地記又得其一或新河而載以舊名或一地而互為兩說要之皆似是而非無所依據至其顯然謬悞者則班固以滹沱為徒駭而不知滹沱不與古河相涉樂史馬頰乃以漢為馬河當之鄭氏求之不得又以為九河齊威塞其八流以自廣

夫曲防齊之所禁塞河宜非威公之所為也河水可塞而河道果能盡平乎皆無稽考之言也惟程氏以為九河之地已淪於海引碣石為九河之證以謂今滄州之地北與平州接壤相去五百餘里禹之九河當在其地後為海水淪沒故其迹不存方九河未沒於海之時從今海岸東北更五百里平地河播為九在此五百里中又上文言夾右碣石則九河入海之處有碣石在其西北岸九河水道變遷難於推考而碣石通趾頂皆石不應作沒今充冀之地既無此石而平州正南有山而名碣石者尚在海中去岸五百餘里卓立可見則是古河自今以為海處向北斜行始分為九其河道已淪入於海明矣漢王橫言昔天常連雨東北風海水溢出西南浸數百里九河之地已為海水所漸鄴道元亦謂九河碣石苞淪於海後世儒者知求九河於平地而不知求碣石有無以為之證故前後異說竟無歸宿蓋非九河之地而強鑿求之宜其支離而不能得也

輯錄

問齊威塞九河以富國事果然否曰當時蔡邱之會申  
五禁且曰無曲防是時令人不得私自防遏水流他終  
不成自去塞了最利害處便纂註孔氏曰河分為九道  
是這般說話亦難憑賀孫在此州界平原以北  
是新安胡氏曰禹䟽九河不過因河勢之自分  
而䟽通之耳非自分之也 黼扶甫反恣莫巾反 雷夏

而是  
疏

新安胡氏曰禹疏九  
通之耳非自分之也

河不過因河勢之自分  
輔扶甫反志莫巾反

雷夏

既澤

澤者水之鍾也雷夏地志在濟陰郡城陽縣西北  
今濮州雷澤縣西北也山海經云澤中有雷神龍

身而人頰鼓其腹則雷然則本夏澤也因其神名之曰雷夏也洪水橫流而入於澤澤不能受則亦泛濫奔潰故水治而後  
**纂註** 唐孔氏曰洪水時高原亦水澤不  
雷夏為澤 為澤今高地水盡此乃為澤也 澤

雷夏為澤

籌言

為澤今高地水盡此乃為澤也

泄

沮會同

許慎云河澗水在宋又曰汭水受陳留浚儀陰

溝至蒙為灑水東入於泗水經汭水出陰溝東至蒙為  
狽狽則灑水即汭水也灑之下流入於睢水沮水地志

睢水出沛國芒縣睢水其沮水與晁氏曰爾雅云自河出為澼濟出為澨求之於韻沮有楚音二水河濟之別也二說未詳孰是會者水

**纂註**

王氏炎曰沮出濮陽澼出曹州汭芳萬切說

之合也同者合而一也

文音 **桑土既蠶是降丘宅土**

桑土宜桑之土既蠶者可

退而後可蠶然九州皆賴其利而獨於充言之者充地宜桑後世之濮上桑間猶可驗也地高曰丘充地多在卑下水害尤甚民皆依丘陵

**纂註**

林氏曰九州皆賴蠶桑而充貢絲織尤宜

於此故特言之

王氏炎曰今德博河間產絲最多漢志稱齊人織作水紈繡綺號為冠帶衣履天下其地宜

桑可知識之者農桑衣食之本故也

**厥土黑墳厥草惟繇厥木惟條**

墳土

起也如左氏所謂蔡之地地墳是也繇條長也林氏曰九州之勢西北多山東南多水多山則草木為宜不

待書也充徐揚三州最居東南下流其地卑溼沮洳洪水為患草木不得其生至是或絲或條或天或喬而或漸苞故於三州特言之以見纂註馮氏曰絲抽也呂水土平草木亦得遂其性也纂註氏曰條始長也陳

民大斷曰充徐揚居河濟江淮下流水未平則為下濕於草木非宜水既平則為沃衍於草木尤宜故以三州

言草

厥田惟中下厥賦貞作十有三載乃同

田第六等賦第九等

貞正也充賦最薄言君天下者以薄賦為正也作十有三載乃同者充當河下流之衝水激而湍悍地平而土疎被害尤劇今水患雖平而卑濕沮洳未必盡去土曠人稀生理鮮少必作治十有三載然後賦法同於他州此為田賦而言故其文屬於厥賦之下先儒以為禹治水所歷之年且謂此州治水最在後畢州為第九成功因以上文厥賦貞者謂賦亦第九與輯錄兖州水患最州正為相當殊無意義其說非是

輯錄

兖州水患最深作治十三

年乃有賦法與他州同案禹治水八年此言十三載者  
通始治水八年言之則此州水平其後他州五年歟東  
齊鼎傳洪水之患意者只是如今河決之類故禹用功  
處多在河所以於兗州下記作十有三載乃同此言專  
為治河也兗州是河患甚處正今之滑衛州也若其他  
江水兩岸多是山石想亦無泛濫之患禹自不須大段  
去理  
會廣厥貢漆絲厥篚織文貢者下獻其土所有於上也  
兗地宜漆宜桑故貢漆絲也  
篚竹器篚屬也古者幣帛之屬則盛之以篚篚而貢焉  
經曰篚厥玄黃是也織文者織而有文錦綺之屬也以  
非一色故以織文總之林氏曰有輯錄貢者諸侯貢天  
貢又有篚者所貢之物入於篚也  
皆有貢織文綾羅纂註林氏曰八州之貢充雍最寡荆  
揚最多  
之屬復齊集義纂註呂氏曰八州之貢皆  
衣服器用之物所  
謂惟正之供也  
浮于濟漂達于河舟行水曰浮漂者  
河之支流也兗之

貢賦浮濟浮漯以達于河也帝都冀州三面距河達河則達帝都矣又案地志曰漯水出東郡東武陽至千乘入海程氏以為此乃漢河與漯殊異然亦不能明言漯河所在未詳其地也

海岱惟青州

青州之域

東北至海西南距岱泰山也在

纂註

孔氏曰東北據海西南距岱

唐孔氏曰青州東北跨海至遼東皆是舜為十二州分青州為營州營州即遼東是也漢公孫度據遼東自號

青州刺史越海收東萊諸郡堯時青州當越海而有諸

郡也武夷熊氏曰青州東北踰海西南距岱遼東朝

鮮等處皆青州之境亦以其地曠隔故分為營州今岡

南之平蠻等州是也青齊乃東方形勝要害之地世號

為東西秦秦得百二齊亦得十二蓋可見矣古者建侯

樹國最為重鎮大抵齊之地最為富強近利故孔子謂

齊變而後

岨夷既略

岨夷薛氏曰今登州之地略經略為之封畛也即堯典之岨夷淮

至魯也



淄其道

濰淄二水名濰水地志云出琅邪郡箕縣今密州莒縣東北濰山也北至都昌入海今濰州昌

邑也淄水地志云出泰山郡萊蕪縣原山今淄州淄川

縣東南七十里原山也東至博昌縣入濟今青州壽光

縣也其道者水循其道也上文言既道者禹為之道也

此言其道者泛濫既去水得其故道也林氏曰河濟下

流究受之淮下流徐受之江漢下流揚受之青雖近海

然不當衆流之衝但濰淄二水順其故道則其功畢矣

比之他州用厥土白墳海濱廣斥

力最省者也

方謂之斥西方謂之鹵斥

鹵鹹地可煮為鹽者也

纂註孔氏曰言復其斥鹵

平地之土色白而性墳

海濱之土彌望皆斥鹵

也

厥貢鹽絺海物惟錯岱畎絲枲泉鈞松怪石萊夷作牧

厥篚檠絲

鹽斤地所出絺細葛也錯雜也海物非一種故曰錯林氏曰既總謂之海物則固非一物

矣此與揚州齒革羽毛惟木文勢正同錯蓋別為一物如錫貢磬錯之錯理或然也畎谷也岱山之谷也象麻也怪石怪異之石也林氏曰怪石之貢誠為可疑意其必須以為器用之飾而有不可闕者非特貢其怪異之石以為玩好也菜夷顏師古曰菜山之夷齊有萊侯萊人即今萊州之地作牧者言可牧放夷人以畜牧為生也檠山桑也山桑之絲其韌中琴瑟之弦蘓氏曰惟東萊為有此絲以之為繒其堅韌異常萊人謂之山繭韞錄萊夷及揚之島夷間於貢篚之間竊意蔡註蔡氏元時貢土物以見來王之意歟東齊集傳蔡註度曰貢物不以精麤為叙而以多寡為叙青州鹽居多故叙於先他倣此林氏曰凡貢不言所出之地者以一州所出皆可貢也言所出之地者以此地所出為良也爾雅檠絲出東萊孫氏曰檠絲出於萊夷玄繭出於淮夷

織貝出於島夷故青揚  
徐叙厥篚於三夷之下  
浮于汶達于濟  
汶水出泰山郡萊蕪縣原山今

襲慶府萊蕪縣也  
西南入濟在今鄆州中都縣也  
蓋淄水出萊蕪原山之陰東北而入海汶水出萊蕪原山之

陽西南而入濟不言  
達河者因於究也  
海岱及淮惟徐州  
徐州之域東至淮南至淮北至

岱而西不言濟者岱之陽濟東為徐岱之北濟東為青  
言濟不足以辨故略之也  
爾雅濟東曰徐州者商無青

并青於徐也  
周禮正東曰青州者周無徐并徐於青也  
林氏曰一州之境必有四至七州皆止二至蓋以鄰州互

見至此州獨載其三邊者止言海岱則嫌於青止言淮  
海則嫌於揚故必曰海岱及淮而後徐州之疆境始別

也  
纂註  
武夷熊氏曰徐州之境東抵海南距淮北跨岱西接豫州之境地雖不廣蕪氏以徐州三面距

山一面皆平野曠土沂泗諸水在其前  
蕪東與兗豫之地皆可接引而在懷抱拱揖之內亦東方一形勝也徐

即魯境地連淮海東夷其俗有二曲阜沂泗則禮義文雅之邦而彭城則其俗又雄傑驚悍自負劉項起於豐沛朱全忠以礪山人淮夷徐戎皆在其地牧守之任亦不可不重慎也

**淮沂其乂**

淮沂二水名淮

見導水曾氏曰淮之源出於豫之境至揚徐之間始大其泛濫為患尤在於徐故淮之治於徐言之也沂水地志云出泰山郡蓋縣艾山今沂州沂水縣也南至於下邳西南而入於泗曾氏曰徐州水以沂名者非一鄆道元謂水出尼邱山西北徑魯之雩門亦謂之沂水水出太公武陽之冠石山亦謂之沂水而沂水之大則出於泰山也又案徐之水有泗有汶有汴有渚而獨以淮沂言者周職方氏青州其川淮泗其浸沂汴周無徐州燕之於青周之青即禹之徐則徐之川莫大於淮淮乂則自泗而下凡為川者可矣徐之浸莫大於沂沂乂則自汴而下凡為浸者可矣

**纂註**

沂音郭沫音術

**蒙羽其藝**

蒙羽二山名蒙山地志在泰山

郡蒙陰縣西南今沂州費縣也羽山地志在東海  
郡祝其縣南今海州朐山縣也藝者言可種藝也纂註

林氏曰蒙山即語東蒙詩奄有龜蒙羽山即鯀殛處

王氏炎曰先淮後沂先大而後小也先蒙後羽先高而

後下也淮沂又而後蒙大野既豬大野澤名地志在山

羽可藝事之相因也陽郡鉅野縣北今濟

州鉅野縣也鉅即大也水蓄而復流者謂之豬淩水經

濟水至來氏縣分為二南為荷北為濟鄆道元謂一水

東南流一水東北流入鉅野澤則大野為濟之所絕其

所聚也大矣何承天曰鉅野廣大南導洙泗北連清濟

徐之有濟於是乎見又鄆州中都西纂註曾氏曰職方

南亦有大野陂或皆大野之地也纂註河東曰兗州

其澤藪曰大野大野濟水之所絕則禹之時東原底平

蓋在徐之西兗之東也周無徐故專屬兗

東原漢之東平國今之鄆州也晁氏曰東平自古多水

患數徙其城咸平中又徙城於東南則其下濕可知底

平者水患已去而底於平也後人以其地之平故謂之  
東平又案東原在徐之西北而謂之東者以在濟東故  
也東平國在景帝亦謂濟東國纂註王氏炎曰大野猪  
云益知大野東原所以忘濟也

之相因也曾氏曰淮沂水之流者大野水之  
止者蒙羽地之高者東原地之平者無不治也  
厥土赤

埴墳草木漸包

土黏曰埴埴墳也黏泥如脂之膩也周  
有埴埴之工老氏言埴埴以為器惟土

性黏膩細密故可埴可埴也漸進長也如易所謂木漸  
言其日進於茂而不已也包叢生也如詩所謂如竹包  
矣言其叢生而齊也  
厥田惟上中厥賦中中田第二等賦  
第五等也  
厥貢惟

土五色羽畎夏翟嶧陽孤桐泗濱浮磬淮夷蠙珠暨魚

厥篚玄纈絛

徐州之土雖赤而五色之土亦間有之故  
制以為貢周書作雒曰諸侯受命於周乃

建大社於國中其遼東青土南赤土西白土北驪土中  
央壘以黃土將建諸侯鑿取其方面之土苞以黃土苴  
以白茅以為土封故曰受削土於周室此貢土五色意  
亦為是用也羽畎羽山之谷也夏翟雉具五色其羽中  
旌旄者也染人之職秋染夏鄭氏曰染夏者染五色也  
林氏曰古之車服器用以雉為飾者多不但旌旄也曾  
氏曰山雉具五色出於羽山之畎則其名山以羽者以  
此歟嶧山名地志云東海郡下邳縣西有葛嶧山古文  
以為嶧山下邳今淮陽軍下邳縣也陽者山南也孤桐  
特生之桐其材中琴瑟詩曰梧桐生矣於彼朝陽蓋草  
木之生以向日者為貴也泗水名出魯國卞縣桃墟西  
北陪尾山源有泉四泉俱導因以為名西南過彭城  
又東南過下邳入淮卞縣今襲慶府泗水縣也濱水旁  
也浮磬石露水濱若浮於水然或曰非也泗濱非必水  
中泗水之旁近浮者石浮生土中不根着者也今下邳  
有石磬山或以為古取磬之地曾氏曰不謂之石者成

磬而後貢也淮夷淮之夷也墳蚌之別名也暨及也珠  
為服飾魚用祭祀今濠泗楚皆貢淮白魚亦古之遺制  
歟夏翟之出於羽畎孤桐之生於嶧陽浮磬之出於泗  
潰珠魚之出於淮夷各有所產之地非他處所有故詳  
其地而使貢也玄亦黑色幣也武成曰篚厥玄黃織縞  
皆繒也禮曰及期而大祥素縞麻衣中月而禫禫而織  
記曰有虞氏縞衣而養老則知織縞皆繒之名也曹氏  
曰玄亦而有黑色衣為之袞所以祭也以之為端所以  
齊也以之為冠以為首服也黑經白緯纂註林氏曰桐  
白織纖也縞也皆去凶即吉之所服也纂註林氏曰孤  
生者為良猶言孤竹之管陸農師曰桐性便濕地不生  
於岡詩傳曰梧桐不生高岡太平而後生朝陽以此觀  
之生山陽難得而生孤者尤難得也孔氏曰水中見  
石可以為磬陳氏大猷曰石輕浮可為磬者成而貢  
之磬聲清越取輕浮者良今海濱亦有浮石孔氏曰  
玄黑縞縞白縞纖細也纖在中明二物皆當細新安



胡氏曰玄纈縞三色縞也端取其正謂浮于淮泗達于

士服衣袂二尺二寸屬幅廣袤等也

河許慎曰汜水受陳留浚儀陰溝至蒙為濉水東入於泗則淮泗之可以達於河者以濉至於泗也許慎又

曰泗受涕水東入淮蓋泗水至大野而合淮海惟揚州涕然則泗之上源自涕亦可以通河也

揚州之域北至海輯錄薛常州作地志不載揚豫二州先淮東南至於海輯錄生曰此二州是其所經歷古今不

同難下手故不作諸葛誠之要補之以其只見冊纂註子上底故也地理最難理會全合禹貢不着了書說

武夷熊氏曰揚州在地東南隅以地勢言也山必起於西北澤必匯於東南經言淮海惟揚州北距淮東至南

海閩粵雖上古未通亦當在要荒之服禹會諸侯於塗山會稽又禹迹之所至矣西抵荊州之境淮之西當在

桐柏荊州之界江之西當在衡漳之界其地乃淮東西江東西及兩浙之地建都於江南者金陵豫章亦都會

然畫江淮以自保僅可以偏霸欲以規恢  
中原奄有四海則自古以來未之有也  
彭蠡既豬彭

地志在豫章郡彭澤縣東合江西江東諸水跨豫章饒  
州南康軍三州之地所謂鄱陽湖者是也詳見導水

陽鳥攸居

陽鳥隨陽之鳥謂鴈也今惟彭蠡洲渚之間  
千百為羣記陽鳥所居猶夏小正記鴈北鄉

也言澤水既豬洲渚既平而禽

纂註

唐孔氏曰日行夏  
鳥亦得其居止而遂其性也

鴻鴈九月而南正月而北左思蜀  
都所謂木落南翔冰泮北徂是也

三江既入

庾仲初吳  
都賦注松

江下七十里分流東北入海者為婁江東南流者為東  
江併松江為三江其地今亦名三江口吳越春秋所謂

范蠡乘舟出三江之口者是也又案蘇氏謂岷山之  
江為中江岷冢之江為北江豫章之江為南江即導水

所謂東為北江東為中江者既有中北二江則豫章之  
江為南江可知今案此為三江若可依據然江漢會於

漢陽合流數百里至湖口而後與豫章江會又合流千餘里而後入海不復可指為三矣蘇氏知其說不通遂有味別之說禹之治水本為民去害豈如陸羽輩辨味烹茶為口腹計邪亦可見其說之窮矣以其說易以惑人故并及之或曰江漢之水揚州巨浸何以不書曰禹貢書法費䟽鑿者雖小必記無施勞者雖大亦略江漢荊州而下安於故道無俟濬治故在不書況朝宗於海荊州固備言之是亦可以互見矣此正禹貢之書法也輯錄先生說三江之說多不同銖問東坡之說如何曰東坡不曾親見東南水勢只是意想硬說且江漢之水到漢陽軍已合為一不應至揚州復言三江薛士龍說震澤下有三江入海疑他曾見東南水勢說得恐是書中極有難考處只如禹貢說三江及荆揚間地理是吾輩親目見者皆有疑至北方即無疑此無他是不曾見耳大雅餘見後九江彭蠡說纂註新安陳氏曰三江不勝異說顏

純以為岷江浙江松江韋昭以為松江浙江浦陽江王  
介甫以為一江自義興一江自毗陵一江自吳縣皆據  
所見而言非禹舊迹也皆不必取既入入海也陳氏  
大猷曰古有九河後合為一古有滎澤後堙為地安知  
彭蠡之下禹平水時有三江而後或合為一乎鄴道元  
謂東南地卑萬水所湊觸地成川故川舊瀆難以為憑  
禹迹之不可考者多矣凡捨經文而指後世流派之分  
合水道之通塞地名之同異以為說者以論後世之地  
理則可以論禹  
**震澤底定**  
曰具區地志在吳縣之西南  
五十里今蘇州吳縣也曾氏曰震如三川震之震若今  
之湖翻是也具區之水多震而難定故謂之震澤底定  
者言底於定  
**纂註**  
新安陳氏曰韋昭注國語太湖即五  
而不震蕩也  
**纂註**  
湖書謂之震澤爾雅謂之具區職方曰  
揚州數曰具區浸  
曰五湖又不同  
**篠簜既敷厥草惟夭厥木惟喬厥土**

惟塗泥

條箭竹蕩大竹郭璞曰竹關節曰蕩數布也水去竹已布生也少長曰夭喬高也塗泥水泉濕

也下地多

纂註

王氏炎曰少長曰夭猶言桃之夭夭上疎曰喬猶言南有喬木南方地暖故草

木皆少長而木多上疎河朔地寒雖合抱之木不能高

也充徐言草木皆居厥土之下凡土無高下燥濕其性

皆然兼山林言之也若揚之塗泥惟言沮洳之多山林

不與故先草木也青不言草木而貢有松檟繚則可知

矣揚言之而荆亦不言然貢有杔榦等亦可知

矣蓋充青相同荆揚為一惟徐漸邕為異耳

厥田惟

下下厥賦下上錯

田第九等賦第七等雜出第六等也言下上上錯者以本設賦九等

分為三品下上與中下異

品故變文言下上上錯也

纂註

王氏炎曰土塗泥故其田下下大抵南方水淺

土薄不如北方地力之厚也

田最下而賦第七或第六省人工修也

厥貢惟金三品

瑞琨篠簜齒革羽毛惟木島夷卉服厥篚織貝厥包橘

抽錫貢

三品金銀銅也瑞琨玉石名詩曰何以舟之惟玉及瑞琨說文云石之美似玉者取之可以為

禮器篠之材中於矢之筭簜之材中於樂之管簜亦可為符節周官掌節有英簜象有齒犀兕有革鳥有羽獸有毛木梗梓豫章之屬齒革可以成車甲羽毛可以為旌旄木可以備棟宇器械之用也島夷東南海島之夷卉草也葛越木綿之屬織貝錦名織為貝文詩曰貝錦是也今南夷木綿之精好者亦謂之吉貝海島之夷以卉服來貢而織貝之精者則入篚馬包裏也小曰橘大曰柚錫者必待錫命而後貢非歲貢之常也張氏曰心錫命乃貢者供祭祀燕賓客則纂註唐孔氏曰貝水介詔之口腹之欲則難於出今也纂註唐有文彩蘇氏曰橘柚與荆之大龜豫之磬錯皆非常貢故言於厥篚之下

玉篇苟各旱反正  
作籛又廣韻加我反  
沿于江海達于淮泗

順流而下曰沿沿江入海

自海而入淮泗不言達於河者因於徐也禹時江淮未  
通故沿於海至吳始開邗溝隋人廣之而江淮舟船始  
通也孟子言排淮泗而輯錄孟子言濬濟漯而注諸海  
注之江記者之誤也

據今水路及禹貢所載惟漢入江汝泗自入淮而淮自  
入海分明是誤蓋一時牽於文勢而不暇考其實爾今

人強為之解釋纂註陳氏大猷曰循行水涯曰沿水  
終是可笑雅

而行所以獨言沿不言浮以著其險也王氏炎曰究  
言浮於濟漯達於河故青言浮於汶達於濟徐言浮於

淮泗達於河故揚言沿於江海達於淮泗皆  
因上文以互見也玉篇邗古寒戶安二反  
荆及衡陽

惟荆州

荆州之域北距南條荆山南盡衡山之陽荆衡  
各見導山唐孔氏曰荆州以衡山之陽為至者

蓋南方惟衡山為大以衡陽言之輯錄禹治水時想亦見其地不止此山而猶包其南也

如荊州乃三苗之國不成一一皆到往往是使官屬去彼相視其山川具圖說以歸作此一書耳故今禹貢所

載南方山川多與今廣纂註曾氏曰有兩荊山此荊州之地面上所有不同

山此荊山其南為荊州其北為豫州漢志此荊山在南郡今襄陽府臨沮縣衡山在長沙今潭州湘南縣北距

荊山南及衡陽為荊州即今湖南湖北之地也今江西亦半屬荊州武夷熊氏曰荊州之地亦廣北接雍豫

之境南逾五嶺即越之南徼也越雖上古未通亦當在要荒之服東抵揚州之境西抵梁州及西南夷等處皆

楚地也揚州之境自兩浙為吳越之外江淮皆楚境或謂建都於江南者當以南陽為正其北接連中原東通

吳西接巴蜀南控蠻粵故諸葛亮以為用武之國英雄之所必爭凡自北而攻南自南而窺北未有不先得此



而後可以有為也此又

### 江漢朝宗于海

江漢見導水春見曰朝夏見曰

宗朝宗諸侯見天子之名也江漢合流於荆去海尚遠然水道已安而無有壅塞橫決之患雖未至海而其勢

已奔趨於南猶諸輯錄江漢發源梁州及入海則在揚

侯之朝宗於王也復齋集義纂註王氏炎曰漢水入江處在漢陽

似於朝宗纂註軍大別山下正屬荊州之域九江孔

殷九江即今之洞庭也水經言九江在長沙下雋西北楚地記曰巴陵瀟湘之洲在九江之間今岳州巴陵

縣即楚之巴陵漢之下雋也洞庭正在其西北則洞庭之為九江審矣今沅水漸水沅水辰水叙水酉水澧水

資水湘水皆合於洞庭意以是名九江也孔甚殷正也九江水道甚得其正也案漢志九江在廬江郡之尋陽縣尋陽記九江之名一曰烏江二曰蟬江三曰烏白江四曰嘉靡江五曰畎江六曰源江七曰廩江八曰提

江九曰箇江今詳漢九江郡之尋陽乃禹貢揚州之境而唐孔氏又以爲九江之名起於近代未足爲據且九江派別取之邪亦必首尾短長大略均布然後可目之爲九然其一水之間當有一洲九江之間沙水相間乃爲十有七道而今尋陽之地將無所容況沙洲出沒其勢不常果可以爲地理之定名乎設使派別爲九則當曰九江既道不應曰孔殷於導江當曰播九江不應曰過九江反復參考則九江非尋陽明甚本朝胡氏以洞庭爲九江者得之曾氏亦謂導江曰過九江至于東陵今之巴陵今巴陵之上即洞庭也因九水所合遂名九江故下文導水曰過九江經之例大水輯錄見復合小水謂之過則洞庭之爲九江蓋以明矣

彭蘇說外錄解一段疑未子未定之說故不贅輯

**沱潛既道**

爾雅曰水自江出爲沱自漢出爲潛

凡水之出於江漢者皆有此名此則荊州江漢之出者也今案南郡枝江縣有沱水然其流入江而非出於江

也華容縣有夏水首出於江尾入於纂王氏炎曰沱水在今江陵

沱亦謂之沱若潛水則未有見也

府枝江縣土人謂枝江為百里洲夾江沱二水之間其與江分處謂之上沱與江合處謂之下沱隋志南郡松

滋縣有潯潯即古潛字故史記云雲土夢作义雲夢澤名周官

職方荊州其澤藪曰雲夢方八九百里跨江南北華容枝江江夏安陸皆其地也左傳楚子濟江入于雲中又

楚子以鄭伯田于江南之夢合而言之則為一別而言之則二澤也雲土者雲之地土見而已夢作义者夢之

地已可耕治也蓋雲夢之澤地勢有輯錄江陵之下岳

高卑故永落有先後人工有早晚也

夢又曰江陵之下厥土惟塗泥厥田惟下中厥賦上下

連岳州是雲夢節

荆州之土與揚州同故田比揚只加一等而賦為第三等者地間而人工修也

厥貢羽毛齒革惟

次定四庫全書

五傳輯錄纂註

金三品枕榦枯柏礪砥砮丹惟箇籜楷三邦底貢厥名

包匭菁茅厥篚玄纁璣組九江納錫大龜

荆之貢與揚州大抵多同

然荆先言羽毛者漢孔氏所謂善者為先也案職方氏揚州其利金錫荆州其利丹銀齒華則荆揚所產不無優劣矣枕榦枯柏三木名也枕木似檇而可為弓榦枯木柏葉松身礪砥皆磨石砥以細密為名礪以麤糲為稱砮者中矢鏃之用肅慎氏貢石砮者是也丹丹砂也箇籜竹名楷木名皆可以用為矢董安於之治晉陽也公宮之垣皆以荻蒿苦楚廩之其高丈餘趙襄子發而試之其堅則箇籜不能過也則箇籜蓋竹之堅者其材中矢之筭楷肅慎氏貢楷矢者是也三邦未詳其地底致也致貢箇籜楷之有名者也醢匣也菁茅有刺而三脊所以供祭祀縮酒之用既包而又匣之所以示敬也齊桓公責楚包茅不入王祭不供無以縮酒又管子云江淮

之間一茅而三脊名曰菁茅菁茅一物也孔氏謂菁以  
為菹者非是今辰州麻陽縣苞茅山出苞茅有刺而三  
脊纁周禮染人夏纁玄纁絳色帶也璣珠不圓者組纁  
類大龜尺有二寸所謂國之守龜非可常得故不為常  
貢若偶得之則使之納錫於上謂纂註孔氏曰幹柘也  
之納錫者下與上之辭重其事也蘇氏曰柘柘  
也以為弓幹周禮菁茅春官司尊彝醴齊縮酌注云  
以茅縮去滓也鄭氏曰染纁者三入而成又再染以  
黑則為緌又再染以黑則為緌玄色在緌緌之間其六  
入者是染玄纁之法也此州染玄纁色善故貢之新  
安陳氏曰錫貢如敷錫之錫上錫下也納錫如師錫  
之錫下錫上也史記龜策傳云龜千歲滿尺二寸浮  
于江沱潛漢逾于洛至于南河江沱潛漢其水道之出  
江沱而入潛漢也逾越也漢與洛不通故舍舟而陸以  
達於洛自洛而至於南河也程氏曰不徑浮江漢兼用

沱潛者隨其貢物所出之便或由  
**纂註**王氏曰江沱潛

經流或循枝派期於便事而已  
**纂註**漢均集洛不通

必陸行逾洛然後由洛可至南河凡曰逾皆  
**荆河惟豫**

水道不通遵陸而後能達也逾于河同義

州豫州之域西南至南  
**輯錄**問周公定豫州為天地之

北邊無極而南方交趾際海道里長短夔殊何以云各

五千里曰此但以中國地段四方相去言之未說極邊

與際海處周公以土圭測天地之中則豫州為中而南

北東西際天各遠許多至與北遠而南近則地形有偏

耳所謂地不滿  
**纂註**武夷熊氏曰豫州居天下之中四

東南也格言  
**纂註**方道里適均故古人於此定都不

但形勢之所在亦朝會貢賦之便湯之亳今河南偃師

縣是也成王之洛邑今河南洛陽縣是也其地北距河

南抵荆山東抵徐西抵雍梁今為河南  
**伊洛瀍澗既入**

府號鄭鄭汝涿蔡唐節汴宋等州之地

于河

伊水山海經曰熊耳之山伊水出焉東北至洛陽縣南北入於洛郭璞云熊耳在上洛縣南今

商州上洛縣也地志言伊水出弘農盧氏之熊耳者非是洛水地志云出弘農郡上洛縣冢領山水經謂之謹

舉山今商州洛南縣冢領山也至鞏縣入河今河南府鞏縣也瀍水地志云出河南郡穀城縣替亭北今河南

府河南縣西北有古穀城縣其北山實瀍水所出也至偃師縣入洛今河南府偃師縣也澗水地志云出弘農

郡新安縣東南入於洛新安在今河南府新安縣也澗今澗池縣東二十三里新安城是也城東北有白石

山即澗水所出酈道元云世謂之廣陽山然則澗水出今之澗池至新安入洛也伊瀍澗水入於洛而洛水入

於河此言伊洛瀍澗入於河若四水不相合而各入河者猶漢入江江入海而荊州言江漢朝宗于海意同蓋

四水並流小大相  
**滎波既豬**  
滎波二水名濟水自今孟

敵故也詳見下文

濫為榮在今鄭州榮澤縣西五里敖倉東南敖倉者古之敖山也案今濟水但入河不復過河之南榮瀆水受河水有石門謂之榮口石門也鄭康成謂榮今塞為平地榮陽民猶謂其處為榮澤鄭道元曰禹塞淫水於榮陽下引河東南以通淮泗濟水分河東南流漢明帝使王景即榮水故瀆東注浚儀謂之浚儀渠漢志謂榮陽縣有狼蕩渠首受濟者是也南曰狼蕩北曰浚儀其實一也波水周職方豫州其川榮雖其浸波漾爾雅云水自洛出為波山海經曰婁涿之山波水出其陰北流注于穀二說不同未詳孰是孔氏以榮波為一水者非也

註

玉篇漾仄祭  
干河二反

導荷澤被孟豬

荷澤地志在濟陰郡定陶縣東今興仁府濟陰縣南

三里其地有荷山故名其澤為荷澤也蓋濟水所經水經謂南濟東過冤句縣南又東過定陶縣南又東北荷水東出焉是也被及也孟豬爾雅作孟諸地志在梁國睢陽縣東北今南京虞城縣西北孟諸澤是也曾氏曰被覆也荷水



衍溢導其餘波入於孟  
豬不常入也故曰被  
纂註 廣韻句  
厥土惟壤下土墳

壚  
土不言色者其色雜也壚  
疏者謂之壚其土有高下之不同故別言之  
纂註 王氏

炎  
曰下土下等之土也壤則為沃墳壚則為瘠  
臨曰高地則壤下地則壚如青厥土白墳海濱廣斥是  
顧氏

也  
厥田惟中上厥賦錯上中  
田第四等賦第二  
等雜出第一等也  
厥貢漆

枲絺紵厥篚織纊錫貢磬錯  
林氏曰周官載師漆林之  
征二十有五周以為征而

此乃貢者蓋豫州在周為畿內故載師掌其征而不制  
貢禹時豫在畿外故有貢也推此義則冀不言貢者可  
知顏師古曰織紵以為布及練然經但言貢枲與紵成  
布與未成布不可詳也纊細綿也磬錯治磬之錯也非  
所常用之物故非常貢以待錫命而後納也與揚州橘  
柚同然揚州先言橘柚而此先言錫貢者橘柚言包則

於厥篚之文無嫌故言錫貢在後磬錯則與厥篚之文嫌於相屬故言錫貢在先蓋立言之法也

纂註

孔氏曰織纊細絲林氏曰織自為一物新安陳氏曰徐之玄織縞則織為繒此之織纊則當為細孔說是

浮于洛達于河

豫州去帝都最近豫之東境徑自入河豫之西境則浮於洛而後至河也

華

陽黑水惟梁州

梁州之境東距華山之南西據黑水華山即太華見導山黑水見導水

纂

註

曾氏曰華山即西嶽在梁雍之東其陽為梁州其陰為雍州武夷熊氏曰梁州即今全蜀之地成都潼

川興元利州夔州等路五十四州之地是也或言秦以前未嘗通至秦鑿山開道闢塞始通恐止言金牛一道耳下言岷嶓沱潛蔡蒙和夷禹之故迹皆可見何嘗不通中國也大抵蜀地北與秦隴接壤實為天下要脊世治則順比後從世亂則阻險割據任岷嶓既藝岷嶓二擇牧守最難其人不可不重慎也

岷嶓既藝

山名岷

山地志在蜀郡蒲氏道西徽外在今茂州汶山縣江水  
所出也晁氏曰蜀以山近江源者通為岷山連峯接岫  
重疊險阻不詳遠近青城天彭諸山之所環遠皆古之  
岷山青城乃其第一峯也嶓冢山地志云在隴西郡氐  
道縣漾水所出又云在西縣今興元府西縣三泉縣也  
蓋嶓冢一山跨於兩縣云川原既滌水去不滯而無泛  
溢之患其山纂註王氏炎曰江漢發源此州方江漢之  
已可種藝也源未滌水或汎溢二山下其地有荒  
而不治者今既可種沱潛既道此江漢別流之在梁州  
藝知二水之順流也沱潛既道者沱水地志蜀郡郫縣  
江沱在東西入大江郫縣今成都府郫縣也又地志云  
蜀郡汶江縣江沱在西南東入江汶江縣今永康軍導  
江縣也潛水地志云巴郡宕渠縣潛水西南入江宕渠  
今渠州流江縣也鄭道元謂宕渠縣有大穴潛水入焉  
通置山下西南潛出南入於江又地志漢中郡安陽縣  
瀾谷水出西南入漢瀾音潛安陽縣今洋州真符縣也

又案梁州乃江漢之源此不志者岷之藝導江也嶓之藝導漢也道沱則江悉矣道潛則漢悉矣上志岷嶓下志沱潛江漢源陳氏曰沱潛發源此州而入荆蔡蒙旅流於是而見蔡註州故荆梁二州皆言沱潛既道

平

蔡蒙二山名蔡山輿地記在今雅州嚴道縣蒙山地志蜀郡青衣縣今雅州名山縣也郡道元謂山上合

下開沫水逕其間涸崖水脉漂疾歷代為患蜀郡太守李冰發卒鑿平瀘崖則此二山在禹為用功多也

祭山曰旅旅平者

蔡註陳氏大猷曰古人舉事必祭治功畢而旅祭也

旅獨於梁雍言之者蓋九州終於梁雍以見前諸州名山皆有祭也旅獨於蔡蒙荆岐言之者蓋紀梁之山終於蔡蒙紀雍之山始於荆岐以見州內諸名山皆有祭也故下文復以九山刊旅總結之然特言於諸州之後其先成民而後致力和夷底績和夷地名嚴道以西有和於神之意歟

和夷底績

和夷地名嚴道以西有和川有夷道或其地也又案

晁氏曰和夷二水名和水今雅州蒙經縣北和川水自  
蠻界羅岳州東西來逕蒙山所謂青衣水而入岷江者  
也夷水出巴郡魚復縣東南過佷山縣南又東過夷道  
縣東北入於江今詳二說皆未可必但經言底績者三  
車懷原隰既皆地名則此恐為

**纂註**

鄭氏曰和夷和上  
地名或地名因水亦不可知也

曰嚴道有和  
川夷人居之

**厥土青黎**

黎黑也

**纂註**

孔氏曰沃壤也

**厥田惟下上**

**厥賦下中三錯**

田第七等賦第八等雜出第七第九等  
也案賦雜出他等者或以為歲有豐凶

或以為戶有增減皆非也意者地力有上下年分不同  
如周官田一易再易之類故賦之等第亦有上下年分  
冀之正賦第一等而閒歲第二等也揚之正賦第七等  
而閒歲第六等也豫之正賦第二等而閒歲第一等也  
梁之正賦第八等而閒歲出第七第九等也當時必有  
條目詳具今不存矣書之所載特凡例也若謂歲之豐

凶戶之增減則九州皆然何獨於冀揚豫梁四州言哉

**纂註**

新安胡氏曰或曰閒出第六第七第九

厥貢璆鐵銀鏤柶磬熊羆狐狸織皮

璆玉磬鐵柔鐵也鏤剛鐵可以刻鏤

者也磬石磬也言鐵而先於銀者鐵之利多於銀也後世蜀之卓氏程氏以鐵冶富擬封君則梁之利尤在於鐵也織皮者梁州之地山林為多獸之所走熊羆狐狸四獸之皮製之可以為裘其毳毛織之可以為罽也

林氏曰徐州貢浮磬此州既貢玉磬又貢石磬豫州又貢磬錯以此觀之則知當時樂器磬最為重豈非以其聲角而在清濁小大之間

**纂註**

歸軒鄒氏曰漢志犍為郡朱提縣有朱提山出銀每銀八兩為

最難得其和者哉

一流直一千五百八十他銀一流但直一千犍為郡正梁州之境是梁州之銀獨美於他州故以為貢荆揚金三品鄭氏以為銅三色也

玉

西傾因桓是來浮于潛逾于沔

篇罽居例反字正作罽

入于渭亂于河

西傾山名地志在隴西郡臨洮縣西今洮州臨潭縣西南桓水名水經曰西傾

之南桓水出焉蘇氏曰漢始出為漾東南流為沔至漢中東行為漢沔鄴道元曰自西傾而至葭萌浮於西漢西漢即潛水也自西漢遡流而屈於晉壽界阻漾枝津南歷岡北迤邐接漢沔歷漢川至於褒水逾褒而暨於街嶺之南溪灌於斜川屈於武功而北以入於渭漢武帝時人有上書欲通褒斜道及漕事下張湯問之云褒水通沔斜水通渭皆可以漕從南陽上沔入褒褒絕水至斜間百餘里以車轉從斜下渭如此則漢中穀可致經言沔渭而不言褒斜者因大以見小也褒斜之間絕水百餘里故曰逾然於經文則當曰逾於渭今曰逾於沔此又未可晚也

輯錄

西傾雖在雍州其人有事於京師者必道取梁州因桓水而來

故梁貢道及之復齋集義

纂註

葉氏曰雍言織皮崑崙析支渠搜非中國之貢明矣疑西傾即西戎之境

熊羆狐狸織皮文與西傾因桓是來相屬謂四獸織皮  
西傾之戎因桓水而以此來貢也孔氏曰漢上曰沔

# 黑水西河惟雍州

雍州之域西據黑水東距西河謂之西河者主冀都而言也

纂註

林氏曰雍梁皆以黑水為境不當言據武夷熊氏曰  
雍州秦地周之岐豐鎬京漢之三輔皆此焉婁敬謂金  
城千里天府之國合天下形勢言之所謂秦得百二者  
實以據地勢之上游當天下之要脊四塞以為固全一  
面之險以東制諸侯故言定都者必先焉書以黑水西  
河為界而又西接弱水流沙之地則其土地之廣漠可  
知大抵關中之地固是形勢可以為都但其地迫近西  
戎周秦漢唐世有羌胡之患必盡陰山與唐三受降城  
及靈夏河西五郡為塞地乃可爾又嘗考之古今地志  
雍州之地却無黑水所謂導黑水至於三危者三危山  
或云在燉煌郡則今瓜州也曷嘗有此永踰跨諸山以  
至於南海哉若以河源崑崙推之崑崙山脊以西人跡



所未到其東中一支則重岡積嶺直至終南太華皆是  
雍之南山而瓜州乃在河西五郡實當西北界上漢人  
所謂斷匈奴右臂者以其不與西戎相接也史弱水既  
當有錯蔡氏亦以雍之西有黑水未見其可信也

西

柳宗元曰西海之山有水焉散渙無力不能負芥投  
之則委靡墊沒及底而後止故名曰弱既西者導之

西流也地志云在張掖郡刪丹縣薛氏曰弱水出吐谷  
渾界窮石山自刪丹西至合黎山與張掖縣河合又案  
通鑑魏太武擊柔然至粟水西行至菟園水分軍搜討  
又循弱水西行至涿邪山則弱水在菟園水之西涿邪  
山之東矣北史載太武至菟園水分軍搜討東至瀚海  
西接張掖水北度燕然山與通鑑小異豈瀚海張掖水  
於弱水為近乎程氏據西域傳以弱水為在條支援引  
甚悉然長安西行一萬二千二百里又百餘日方至條  
支其去雍州如此之遠豈應纂註程氏曰弱水初必  
窮荒而導其流也哉其說非是

纂註

程氏曰弱水初必  
壅遏而東既導之

西則逆者順矣林氏曰衆水皆東而弱水獨西黑水獨南因其性與勢之自然也必欲東之則逆其自然非

行所無涇屬渭汭  
涇渭汭三水名涇水地志出安定郡

東南至馮翊陽陵縣入渭今永興軍高陵縣也渭水地志出隴西郡首陽縣西南今渭州渭源縣烏鼠山西北

南谷山也東至京兆船司空縣入河今華州華陰縣也

汭水地志作謁扶風汭縣弦蒲藪蒟蒻水出其西北東入

涇今隴州汭源縣弦蒲藪有汭水焉周職方雍州其川

涇汭詩曰汭鞠之即皆謂是也屬連屬也涇水連屬渭

汭二纂註  
陳氏大猷曰渭汭蔡分作二水固有詩禮可證然下文會於渭汭不過如言洛汭端汭耳

又詩涇以渭濁未聞及汭水也漆沮之從灋之同皆從

同於渭耳未聞與汭通也作二水可疑新安陳氏曰

孔云水北曰汭一云水曲曰汭又水口曰汭夏書漆沮

以洛表對洛汭則汭水北之曲也又如東過洛汭

既從

漆沮二水名漆水案宇記自耀州同官縣東北界來經華原縣合沮水沮水地志出北地郡直路縣

東今坊州宜君縣西北境也案宇記沮水自坊州昇平縣北子午嶺出俗號子午水下合榆谷慈馬等川遂為

沮水至耀州華原縣合漆水至同州朝邑縣東南入渭二水相敵故並言之既從者從於渭也又案地志謂漆

水出扶風縣晁氏曰此幽之漆也水經漆水出扶風杜陽縣程氏曰杜陽今岐山普潤縣之地亦漢漆縣之境

其水入渭在澧水之上與經序渭  
**纂註**蘇氏曰從如少水節次不合非禹貢之漆水也

漆沮小  
**澧水攸同**今永興軍鄠縣山也東至咸陽縣入故言從

渭同者同於渭也渭水自鳥鼠而東澧水東注之涇水北注之漆沮東北注之曰屬曰從曰同皆主渭而言也

**纂註**

蘇氏曰澧渭相若故言玉篇鄠胡古反

荆岐既旅終南惇物至于

鳥鼠

荆岐二山名荆山即北條之荆地志在馮翊懷德縣南今耀州富平縣抵陵原也岐山地志在扶風美

陽縣西北今鳳翔府岐山縣東北十里也終南博物鳥鼠亦皆山名終南地志古文以太一山為終南山在扶風武功縣今永興軍萬年縣南五十里也博物地志古文以垂山為博物在扶風武功縣今永興軍武功縣也鳥鼠地志在隴西郡首陽縣西南今渭州渭源縣西也俗呼為青雀山舉三山而不言所治者蒙上既旅之文也

也原隰底績至于豬野

廣平曰原下濕曰隰詩曰度其隰原即指此也鄭氏曰其地在

幽今邠州也豬野地志云武威縣東北有休屠澤古今為豬野今涼州姑臧縣也治水成功自高而下故先

言山次原隰次陂澤也

三危既宅三苗丕叙

三危即犍窳三苗之地或以為犍窳未詳

其地三苗之鼠在洪水未平之前及是三危已既可居三苗於是大有功叙今案舜竄三苗以其惡之尤甚者

遷之而立其次者於舊都今既竄者已丕敘而居於舊  
都者尚桀驚不服蓋三苗舊都山川險阻氣習使然今  
湖南猺洞時猶竊發俘而詢  
**纂註** 歸軒鄒氏曰案後漢  
之多為苗姓豈其遺種歟

今沙州嫩煌縣東南山有三峯故曰三危 武夷熊氏  
曰首言弱水終言三危極其遠而言之也 呂氏曰三

苗有罪自當竄逐發政施仁自當及之故治水至三危  
亦既使安若大得其敘後世以為投之四裔若棄之者

非聖人之心也  
**厥土惟黃壤** 黃者土之正色林氏曰物得其常  
性者最貴雍州之土黃壤故其田

非他州所及  
**厥田惟上上厥賦中下** 田第一等而賦第六等  
者地狹而人功少也

**纂註** 王氏炎曰東方朔云關中之地號為畝直一金田  
上上可知 唐孔氏曰此州與荊州賦田升降皆

較六等荊州升之極故云人功  
**厥貢惟球琳琅玕** 球琳  
修此州降之極故云人功少

也琅玕石之似珠者爾雅曰西北之美者有昆  
命虛之球琳琅玕今南海有青琅玕珊瑚屬也纂註

曰貢非一類物者不浮于積石至于龍門西河會于渭  
言惟一類物皆言惟

洶積石地志在金城郡河關縣西南羌中今鄯州龍支  
縣界也龍門山地志在馮翊夏陽縣今河中府龍門

縣也西河冀之西河也雍之貢道有二其東北境則自  
積石至於西河其西南境則會於渭洶言渭洶不言河

者蒙梁州之文也他州貢賦亦當不止一道發此例以  
互見耳案邢恕奏乞下熙河路打造船五百隻於黃河

順流放下至會州西小河內藏放熙河路漕使李復奏竊  
知邢恕欲用此船載兵順流而下去取興州契勘會州

之西小河鹹水其間不及一丈深止於一二尺豈能載  
船黃河過會州入韋精山石峽險窄自上垂流直下高

數十丈船豈可過至西安州之東大河分為六七道散  
流渭之南山逆流數十里方再合逆溜水淺灘磧不

勝舟載此聲若出必為夏國海笑事遂寢邢恕之策如李  
復之言可謂謬矣然此言貢賦之路亦曰浮於積石至  
於龍門西河則古來此處河道固通舟楫矣  
而復之言乃如此何也姑錄之以備參考云  
曰正道皆從渭達河惟山脊以西北之地謂道不可通  
處必自積石之河經汝龍門然後達於西河以至帝部  
也  
織皮崑崙析支渠搜西戎即叙  
千餘里渠搜水經曰河自朔方東轉經渠搜縣故城北  
蓋近朔方之地也三國皆貢皮衣故以織皮冠之皆西  
方戎落故以西戎總之即就也雍州水土既平而餘功  
及於西戎故附於末  
蘓氏曰青徐揚三州皆萊夷淮  
夷島夷所篚此三國亦篚織皮但古語有顛倒詳畧爾  
其文當在厥貢惟球琳琅玕之下浮於積石之上簡編  
脫誤不可不正愚謂梁州亦  
篚織皮恐蘓氏之說為然  
纂註  
武夷熊氏曰崑崙唐  
書以為吐蕃界析支

即今陰山河南等處 歸軒鄒氏曰案西羌傳羌地在金城郡河開縣之西南濱於賜支至于河首賜支者禹貢所謂導岍及岐至于荆山逾于河壺口雷首至于太析支也

岳底柱析城至于王屋太行恒山至于碣石入于海

此下

隨山也岍岐荆三山皆雍州山岍山地志扶風岍縣西吳山古文以為岍山今隴州吳山縣吳嶽山也周禮雍州山鎮曰嶽山又案寰宇記隴州汧源有岍山汧水所出禹貢所謂岍山也晁氏以為今之隴山天井金門秦嶺山者皆古之岍也岐荆見雍州壺口雷首太岳底柱析城王屋太行恒山皆冀州山壺口太岳碣石見冀州雷首地志在河東郡蒲坂縣南今河中府河東縣也底柱石在大河中流其形如柱今陝州陝縣三門山是也析城地志在河東郡濩澤縣西今澤州陽城縣也晁氏曰山峯四面如城王屋地志在河東郡垣縣東北今絳州



垣曲縣也晁氏曰山狀如屋太行山地志在河內郡山陽縣西北今懷州河內也恒山地志在常山郡上曲陽縣西北今定州曲陽也逋者禹自荆山而過於河也孔氏以為荆山之脉逋河而為壺口雷首者非是蓋禹之治水隨山刊木其所表識諸山之名必其高大可以辨疆域廣博可以奠民居故謹而書之以見其施功之次第初非有意推其脉絡之所自來若今之葬法所言也若必實以山脉言之則尤見其說之謬妄蓋河北諸山根本脊脉皆自代北塞武嵐憲諸州乘高而來其脊以西之水則西流以入龍門西河之上流其脊以東之水則東流而為桑乾幽冀以入於海其西一支為壺口太岳次一支包汾晉之源而南出以為新城王屋而又西折以為雷首又次一支乃為太行又次一支乃為恒山其間各隔沁潞諸川不相連屬豈自岍岐跨河而為是諸山哉山之經理者已附於逐州之下於此又條列而詳記之而山之經緯皆可見矣王鄭有三條四列之名皆

為未當今據導字分之以為南北二條而江河以為之  
記於二之中又分為二焉此北條大河北境之山也

輯錄

每州各言境內山川首尾不相聯貫且自東而西  
非自然之形勢故於此通說九州山川聯貫首尾

更從西而東以著自然之形勢云云見傳東齊集傳問  
味別地脉之說如何先生曰不知是要水有所歸不為  
民害還是只要辨味點茶如陸羽之流尋脉踏地如後  
世風水之流邪且太行自西北發脉來為天下之脊此  
是中國大形勢其底柱王屋等山皆是太行山脚今說  
者分陰陽列言導峴及岐至於荆山荆山山脉逾河而  
過為壺口雷首底柱析城王屋碣石則是荆山山脉却來  
做太行山脚其所謂地脉尚說不通况禹貢李非理會  
地脉邪錄纂註呂氏曰山川之分見於九州者其經也山川  
之聚見於後者其緯也無經則不知其定所  
無緯則不知其脉絡此作書之妙也導山有二說或以  
為隨山通道以相視其源委脉絡或以為治山穿小水

二說當兼用禹隨山以治水故以導言如止於相其山勢何導之有山之有脉絡條例固不可誣而水之源未有不出于山水之勢未有不因於山既隨山通道相其脉絡源委又因以導山旁澗谷之水而納之川二說蓋並行而不相悖也 林氏曰禹本導川歸海今乃先以導山蓋方洪水懷襄故川舊瀆皆浸沒不可見欲施功無所措手故先以九州高山巨鎮為表識自西決之使東以殺其滔天之勢水既順下漸入於海則川流故迹稍稍可求於是濟川之功可施始決九川而距四海蓋先隨山而後濬川其序不得不然也 新安陳氏曰三條之說出於馬融王肅以岍岐至碣石為北條西傾至陪尾為中條嵒冢至敷淺原為南條然內方大別在荊州岷在梁州相去數千里豈可合為一條四列之說出於鄭玄謂岍岐為正陰列西傾為次陰列嵒冢為次陽列岷山為正陽列四列雖是而陰陽正次名稱未當宜蔡氏以二條四列訂之云 玉篇漢胡郭反 西傾朱圉鳥

鼠至于太華熊耳外方桐柏至于陪尾

西傾朱圉鳥鼠太華雍州山也

熊耳外方桐柏陪尾豫州山也西傾見梁州朱圉地志在天水郡冀縣南今秦州大潭縣也俗呼為白巖山鳥鼠見雍州太華地志在京兆華陰縣南今華州華陰縣二十里也熊耳在商州上洛縣詳見豫州外方地志潁川郡密高縣有密高山古文以為外方在今西京登封縣也桐柏地志在南陽郡平氏縣東南今唐州桐柏縣也陪尾地志江夏郡安陸縣東北有橫尾山古文以為陪尾今安州安陸也西傾不言導者蒙導岍之文也此北條大河南

**纂註**

孔氏曰西傾朱圉在積石以東鳥鼠境之山也渭水所出在隴西之西三者雍州之

南山至於太華相首尾而東太華熊耳外方桐柏四山相連東南在豫州界洛經熊耳伊經外方淮出桐柏經陪尾凡此皆先舉所施功之山於上而後條例所治水於下互相備

導嶠冢至于荊山內

方至于大別

嶠冢即梁州之嶠也山形如冢故謂之嶠冢詳見梁州荆山南條荆山地志在南郡

臨沮縣北今襄陽府南章縣也內方大別亦山名內方地志章山古文以為內方山在江夏郡竟陵縣東北今

荆門軍長林縣也左傳吳與楚戰楚濟漢而陳自小別至于大別蓋近漢之山今漢陽軍漢陽縣北大別山是也

地志水經云在安豐者非是纂註孔氏曰漾水出嶠冢此南條江漢北境之山也

在荆州內方大別皆岷山之陽至于衡山過九江至于

荆州山漢水所經 敷淺原 岷山見梁州衡山南嶽也地志在長沙國湘南縣今潭州衡山縣也九江見荆州敷淺原地志

云豫章郡歷陵縣南有博易山古文以為敷淺原今江州德安縣博陽山也晁氏以為在都陽音非是今案晁

氏以都陽有博陽山又有歷陵山為應地志歷陵縣之名然都陽漢舊縣地不應又為歷陵縣山名偶同不足

據也江州德安雖為近之然所謂敷淺原者其山甚小而庫亦未見其為在所表見者惟廬阜在大江彭蠡之交最高且大宜所當紀志者而皆無考據恐山川之名古今或異而傳者未必得其真也姑俟知者過經過也與導岍迤於河之義同孔氏以為衡山之脉連延而為敷淺原者亦非是蓋岍山之脉其北一支為衡山而盡於洞庭之西其南一支度桂嶺北經象笏之地至德安所謂敷淺原者二支之間湘水間斷衡山在湘水西南敷淺原在湘水東北其非衡山之脉連延過九江而為敷淺原者明甚且其山川岡脊源流具在眼前而古今異說如此况殘山斷港歷數千百年者尚何自取信哉岍山不言導者蒙導嶠冢之文也此南條江漢南境之山也

**輯錄**

導

問岍山之分何以見先生曰只是以水驗之大

出於岍山岍山夾江兩岸而行那邊一支去為江北許多去處一云去為隴

這邊一支為湖南又一支為建康又

一支為兩浙而餘氣為福建二廣禹貢西方南方殊  
不見禹施功處綠是山高少水患當時只分遣官屬而  
不了事底記述得文字不整齊耳某作九江彭蠡辨禹  
貢大槩可見於此禹貢只載九江無洞庭今以其地驗  
之有洞庭無九江則洞庭之為九江無疑矣洞庭彭蠡  
冬月亦涸只有數條江水在其中義疏或問禹貢地理  
曰禹貢過字有三義有山過水過人過如過九江至敷  
淺原只是禹過此處去也若曰山過水過更不通書說  
餘見後九

**纂註** 孔氏曰岷山江所出在梁州衡山江所  
江彭蠡說 經在荊州 林氏曰岷岐所導之水乃  
合河濟之流最為奔悍當其隨山之初自西而決之東  
自東達之東北則已達於海矣故言入於海西傾蟠岷  
所導之水則未能達海且注於下流之地及濬川之功  
既施乃得入海故下文所載方是衆水入海之道故此止  
言至於陪尾大別敷淺原而止而下流之山皆所不及也  
陳氏曰禹之導山雖曰因而治衆水大槩岷岐之列

河濟所經西傾之列伊洛淮渭所經嵯冢之列漢水所經岷山之列江水所經也新安陳氏曰導山之役分

為四路乃懷襄方殷未可下濬川之功先隨山相視可疏導者疏導之兩條四列實人功經歷之次第為濬川

之經始下文導水詳言濬川之源委乃收上文隨山之成功林陳說是獨岍岐入海一節辭猶未備岍岐一列

河濟所經既入海矣何為下文導河積石導沅水二條又各言入於海歟意者當時水患河濟尤甚比江漢淮

用工尤難故自發源以至入海先之相視疏導後之開鑿濬導必極於歸宿之地若江漢淮之屬則初一番相視疏

導且可止陪尾大別數淺原導弱水至于合黎餘波入而下文方自源徂流言之歟

于流沙此下濬川也弱水見雍州合黎山名隋地志在張掖縣西北亦名羌谷流沙杜佑云在沙州

西八十里其沙隨風流行故曰流沙水之疏導者已附於逐州之下於此又派別而詳記之而水之經緯皆可



見矣。濬川之功自隨山始。故導水次於導山也。又案山水皆原於西北。故禹叙山叙水皆自西北而東南。導山

則先岍岐導水

### 輯錄

導洛凡九條皆導水之自導弱水至

則先弱水也

北而南。先言山以為水之經。故此言水以為山之紀。弱水最在西北。水又西流不經中國。故首言之。復者果義。

### 纂註

孔氏曰：合黎水名。馬氏曰：地名。顏師古曰：流沙在燉煌西。陳氏曰：弱水之正者入合黎。其餘

則入於流沙。程氏曰：禹導弱水至合黎，則其逆行者

已順其速而無所事。治者固不必枉之於西海近而無能

為害者亦任其波委之入流沙，則已矣。故於雍止曰：既

西而於導水不必曰入於西海，皆紀實也。合黎流沙

不可意度。林氏曰：禹惟先決山陵之積水，使有所歸

然後可施濬川之功。如上文既導岍岐至碣石，然後導

河濟之功可施。導西傾至陪尾，然後導淮渭洛之功可

施。導嶠至大別，導岷至敷淺原，然後導漢與江之功可

施所以先言導山而後及導水也

導黑水至于三危入于南海

黑水地志出健

為郡南廣縣汾關山水經出張掖難山南至燉煌過三危山南流入於南海唐樊綽云西夷之水南流入於南海者凡四曰區江曰西珥河曰麗水曰彌諾江皆入於南海其曰麗水者即古之黑水也三危山臨峙其上案梁雍二州西邊皆以黑水為界是黑水自雍之西北直出梁之西南也中國山勢岡脊犬抵皆自西北而來積石西傾岷山岡脊以東之水既入於河漢岷江其岡脊以西之水即為黑水而入於南海地志水經樊氏之說雖未詳的實要是其地也程氏曰樊綽以麗水為黑水者恐其狹小不足為界其所稱西珥河者却與漢志葉榆澤相貫廣處可二十里既足以界別二州其流又正趨南海又漢滇池即葉榆之地武帝初開滇舊時其地古有黑水舊祠夷人不知載籍必不能附會而綽及道元皆謂此澤以榆葉所積得名則其水之黑似榆葉積漬

所成且其地乃在蜀之正西又東北距宕昌不遠宕昌即三苗種裔與三苗之叙於三危者又為相應其證驗莫此之輯錄黑水從雍梁西界入南海亦不經中國故明也次之弱水黑水汎水言導而不著其地未

詳東齊集義

**纂註**

陳氏人說曰萬水能載而弱水獨弱且西流萬水皆清而黑水獨黑且南流天地之

間有常有變不可一律齊聖人順其性而已廣韻渙徙年都年二反萬息委反越嵩也導河積石

至于龍門南至于華陰東至于底柱又東至于孟津東過洛汭至于大伾北過洛水至于大陸又北播為九河

同為逆河入于海

積石龍門見雍州華陰華山之北也底柱見導山孟地名津渡處也杜預

云在河內郡河陽縣南今孟州河陽縣也武王師渡孟津者即此今亦名富平津洛汭洛水文流之內在今河

南府鞏縣之東洛之入河實在東南河則自西而東過之故曰東過洛汭大伾孔氏曰山再成曰伾張揖以為在成臯鄭玄以為在修武武德臣瓚以為修武武德無此山成臯山又不再成今通利軍蔡陽縣臨河有山蓋大伾也案蔡陽山在大河垂欲趨北之地故禹記之若成臯之山既非從東折北之地又無險礙如龍門底柱之須臾鑿西去洛汭既已大近東距洛水大陸又為絕速當以蔡陽者為是洛水地志在信都縣今冀州信都縣枯洛渠也程氏曰周時河徙磬磬至漢又改向頓邱東南流與禹河迹大相背戾地志魏郡鄴縣有故大河在東北直達於海疑即禹之故河孟康以為王莽河非也古洛水自唐貝州經城北入南宮貫穿信都大抵北向而入故河於信都之北為合北過洛水之文當以信都者為是大陸見冀州九河見兗州逆河意以海水逆潮而得名九河既淪於海則逆河在其下流固不復有矣河尚播而為九下同而為一其分播合同皆水勢之

自然禹特順而導之耳今案漢西域傳張騫所窮河源云有兩源一出葱嶺一出于閼于閼在南山下其河北流與葱嶺河合東注蒲昌海蒲昌海一名鹽澤去玉門陽關三百餘里其水停居冬夏不增減潛行地中南出積石又唐長慶中薛元鼎使吐蕃自隴西成紀縣西南出塞二千餘里得河源於莫賀延磧尾曰閼磨黎山其山中高四下所謂崑崙也東北流與積石河相連河源澄瑩冬春可涉下稍合流色赤益遠他水并注遂濁吐蕃亦自言崑崙在其國西南二說恐薛氏為是河自積石三十里而後至于龍門經但一書積石不言方向荒遠在所略也龍門而下因其所經記其自北而南則曰南至華陰記其自南而東則曰東至底柱又詳記其東向所經之地則曰孟津曰洛汭曰大伾又記其自東而北則曰北過洛水又詳記其北向所經之地則曰大陸曰九河又記其入海之處則曰逆河自洛汭而上河行於山其地皆可考自大伾而下垠岸高於平地故決齧

流移水陸變遷而澤水大陸九河逆河皆難指實然上  
求大任下得碣石因其方向難其故迹則猶可考也其  
詳悉見上文又案李復云同州韓城北有安國嶺東  
西四十餘里東臨大河瀕河有禹廟在山斷河出處禹  
鑿龍門起於唐張仁愿所築東受降城之東自北而南  
至此山盡兩岸石壁峭立大河盤束於山峽間千數百  
里至此山開岸闊豁然奔放怒氣噴風聲如萬雷今案  
舊說禹鑿龍門不詳其所以鑿誦說相傳但謂因舊修  
闢去其齟齬以決水勢而已今詳此說則謂受降以東  
至於龍門皆是禹新開鑿若果如此則禹未鑿時河之  
故道不知却在何處而李氏之輯錄釋水云河千里一  
學極博不知此說又何所考也輯錄曲一直河從積石  
北行又東乃折而南計應三千里然後至龍門而為西  
河龍門地勢險河率破山以行禹功於此最難自龍門  
南流至華陰而極始折而東至于底柱又東至孟津東  
過洛汭而為南河至大任而極始折而北流為東河至

兗州而分為九復合為一而入海河流於是終矣河為  
四瀆宗且發源西北故叙中國之水以河為先東晉集  
傳逆河是開渠通海以泄河之  
溢秋冬則涸春夏則泄格言纂註程氏曰洛水至洛  
其曰洛汭者洛既北入於河河之南洛之北其兩間為  
汭汭之為言在洛水之內也渭水入河之間亦名渭汭  
正其義也自洛汭以上山水名稱迹道古今如一自大  
伾以下不時水道難考雖名山舊嘗憑河者亦復不可  
究辨非山有徙移也河既變迹年世又遠人知新河之  
為河不知舊山之不附新河也輒竝河求之安從而得  
舊山之真歟唐孔氏曰河下尾合名為逆河言相向  
迎受蘇氏曰河既分為九又合為一以迎八而後  
入海王氏炎曰周定王五年河徙已非禹之故道漢  
元光三年河徙東都更注渤海繼決於狄子又決於魏  
之館陶遂分為屯氏河大河在西屯河在東二河相竝  
而行元帝永光中又決於清河靈鳴犢口則河水分流

入於博州屯河始壅塞不通後二年又決於平原則東入齊入青以達於海而下流與漯為一王莽時河遂行漯川大河不行於大伾之北而遂行於相魏之南則山澤在河之瀕者支川與河之相貫者悉皆易位而與禹貢不合矣方氏曰建紹後黃河決入鉅野溢於泗以入於淮者謂之南清河由汶合濟至滄州以入海者謂之北清河是時淮僅受河之半金之亡也河自開封北衛州決而入渦河以入淮一淮水獨受大黃河之全以輸之海濟水之絕於王莽時者今其源出河北溫州猶徑枯黃河中以入汶而後趨海清濟貫濁河遂成虛論矣

大別南入于江東匯澤為彭蠡東為北江入于海

漾水名水

經曰漾水出隴西郡氐道縣嶓冢山東至武都常璩曰漢水有兩源此東源也即禹貢所謂嶓冢導漾者其西



源出隴西嵯冢山會泉始源曰沔逕葭萌入漢東源在  
今西縣之西西源在今三泉縣之東也鄠道元謂東西  
兩川俱出嵯冢而同為漢水者是也水源發於嵯冢為  
漾至武都為漢又東流為滄浪之水酈道元云武當縣  
北四十里漢水中有洲曰滄浪洲水曰滄浪水是也蓋  
水之經歷隨地得名謂之為者明非他水也三澁水名  
今郢州長壽縣磨石山發源東南流者名澁水至復州  
景陵縣界來又名泚水疑即三澁之一然據左傳漳澁  
遂澁則為水際未可曉也大別見導山入江在今漢陽  
軍漢陽縣匪迴也彭蠡見揚州北江未詳入海在今通  
州靜海縣今案彭蠡古今記載皆謂今之鄱陽然其  
澤在江之南去漢水入江之處已七百餘里所蓄之水  
則合饒信徽撫吉贛南安建昌臨江袁筠隆興南康數  
州之流非自漢入而為匯者又其入江之處西則廬阜  
東則湖口皆石山峙立水道狹甚不應漢水入江之後  
七百餘里乃橫截而南入於鄱陽又橫截而北流為北

江且鄱陽合數州之流豬而為澤泛溢壅遏初無仰於  
江漢之匯而後成也不惟無所仰於江漢而衆流之積日  
遏月高勢亦不復容江漢之來入矣今湖口橫波之處  
其北則江漢之濁流其南則鄱陽之清漲不見所謂漢  
水匯澤而為彭蠡者鄱陽之水既出湖口則依南岸與  
大江相持以東又不見所謂橫截而為北江者又以經  
文考之則今之彭蠡既在大江之南於經則宜曰南匯  
彭蠡不應曰東匯於導江則宜曰南會於匯不應曰北  
會於匯匯既在南於經則宜曰北為北江不應曰東為  
北江以今地望參校絕為反戾今廬江之北有所謂巢  
湖者湖大而源淺每歲四五月間蜀嶺雪消大江泛溢  
之時水於入湖至七八月大江水落湖水方淺隨江以  
東為合東匯北匯之文然鄱陽之湖方五六百里不應  
舍此而錄彼記其小而遺其大也蓋嘗以事理情勢考  
之洪水之患惟河為甚意當時龍門九河等處事急民  
困勢重役煩禹親蒞而身督之若江淮則地偏水急不

待疏鑿固已通行或分遣官屬往視亦可况洞庭彭蠡之閭乃三苗所居水澤山林深昧不測彼方負其險阻頑不即工則官屬之往者亦未必遽敢深入是以但知彭蠡之為澤而不知其非漢水所匯但意如巢湖江水之淤而不知彭蠡之源為甚衆也以此致誤謂之為匯謂之北江無足怪者然則鄱陽之為彭蠡信矣

錄

因說病貢先生曰此最難說蓋他本文自有繆處且如漢水自是從今漢陽軍入江下至江州然後江西

一帶江水流出合為大江兩江下水相淤故江西水出不得溢為彭蠡上取漢水入江處有多少路今言漢水過三澨至於大別南入於江東匯澤為彭蠡全然不合又如何去強解釋得蓋禹當時只治得雍冀數州為詳南方諸水皆不親見恐只得之傳聞故多遺闕又蓋誤如此今又不咸說他聖人之經不是所以難說然自古解釋者紛紛終是與他地上水不合堆東匯岷山導江澤為彭蠡多此一句節餘見後九江彭蠡說岷山導江

東別為沱又東至于澧過九江至于東陵東迤北會為

匯東為中江入于海

沱江之別流於梁者也澧水名水經出武陵充縣西至長沙下雋縣

西北入江鄭氏云經言道言會者水也言至者或山或澤也澧宜山澤之名案下文九江澧水既與其一則非

水明矣九江見荊州東陵巴陵也今岳州巴陵縣輟錄

也地志在盛江西北者非是會匯中江見上章

禹治江不見甚用力書載岷山導江止東為中江入於海若中間更用工夫如何載得恁略賀孫潘家導漢止

東為北江入於海又曰岷山導江止東為中江入於海又曰岷山之陽止至於數淺原此皆禹貢之文也古今

讀者皆以為是既出於聖人之手則固不容復有訛謬萬世之下但當導信誦習傳之無窮亦無以覈其事實是否為也是以為之說者不過隨文解義以就章句如說九江則曰江過尋陽派別為九或以有小江九北來

注之說彭蠡則曰漢水所匯而江水亦往會焉說北江中江則曰漢既匯而出為北江江既會而出為中江也說九江則但指今日江州治所以當之說數淺原則但以為漢歷陵縣之傳易山在今日為江州之德安縣而已如是而言姑為誦說則可矣若以山川形勢之實考之吾恐其說有所不通而不能使人無所疑也若曰派別為九則江流上下洲渚不一今所計以為九者若必首尾長短均布若一則橫斷一節縱別為九一水之間當有一一本作八洲九江之間一本無此四字沙水相間乃為十有七道一本無乃有二字於地將無所容若曰參差取之不必齊一則又不知斷自何許而數其九也况沙渚出沒其勢不常江陵先有九十九洲後乃復生一洲是豈可以為地理之定名乎此不可通之妄說也若曰旁計橫入小江之數則自岷山以東至入海處不知當為幾千百里江矣此又不可通之妄說也且經又言九江孔殷則正以見其吐吞壯盛浩無津涯之勢

決非尋常分派小江之所當又繼此而後及夫沱潛雲夢則又見其決非尋陽一本作今日江州以東甚遠之下流此又可以證前二說者為不可通之妄說也若曰漢水匯為彭蠡而江水亦往會焉則彭蠡之為澤也實在大江之南自今江湖口縣南跨南康軍饒州之境以接於隆興府之北瀾漫數十百里其源則東自饒徽信州建昌軍南自贛州南安軍西自袁筠以至隆興府分寧武寧諸邑方數千里之水皆會而歸焉北過南康揚瀾左里則兩岸漸迫山麓而湖面稍狹遂東北流以趨湖口而入於江矣然以地勢北高而南下故其入於江也及為江水所遏而不得遂因卻而自豬以為是瀾漫數十百里之大澤是則彭蠡之所以為彭蠡者初非有所仰於江漢之匯而後成也不惟無所仰於江漢而眾流之積日過日高勢亦不復容江漢之來入矣又況漢水自漢陽軍大別山南下流入江則其水與江混而為一至此已七百餘里矣今謂其至此而後一先一後以入

於彭蠡既匯之後又復循次而出以為二江則其入也  
何以識其為昔日之漢水而先行何以識其為昔日之  
江水而後會其出也何以識其為昔日之漢水而今分  
之以北何以則應曰南會而不應曰北會以實計之則湖  
口之東今但見其為一江而不見其分流然則所謂漢  
水匯為彭澤而江水亦往會焉者亦不可通之妄說也  
此數說者既無一之不窮於是味別洲別之論出焉而  
終亦不免於窮也蓋曰味別則不知凡禹之所謂過門  
不入胼手胝足而不以為病者為欲大濟天下昏墊之  
民使得平土而居以衣且食而遂其生邪抑如陸羽張  
又新輩但欲較計毫分於齒頰間以為茗飲一時之快  
也嗚呼彼以是而為說者亦可謂童騃不思之甚矣且  
河之所會漆沮涇渭伊洛瀍澗支川尤多而初無味別  
之說濟之所經或潛或見或止或流其變不一而亦無  
味別之說何獨至此而辨之若是悉邪此又可見其為

不通之妄說也。若曰：洲別則又九江之鑿，吾既辨於前矣。若果如此，則漢水入江之後，便須當有一洲介於其間，以爲江漢之別，而湖口入匯之處，又當各分爲二，以爲出入之辨，而後可也。今皆無之，而湖口橫渡之處，予嘗過之，但見舟北爲大江之濁沅，舟南爲彭蠡之清漲，而已。蓋彭蠡之水，雖限於江，而不得洩，然及其既平，則亦因其可行之隙，而又未嘗不相持以東也。惡睹所謂中江北江之別乎？此又可見其爲不通之妄說也。若曰：古之九江，即今之江州。古之敷淺原，即今之德安縣。則漢九江郡，本在江北，而今所謂江州者，實武昌郡之柴桑縣。後以江南北之尋陽并柴桑而立郡，又自江北徙治江南，以故江南得有尋陽之名。後以因尋陽而改爲江州，實非古九江地也。又况經言過九江，至於東陵，而後會於彭蠡，則自今江州城下至湖口縣，纔四十里，不知東陵的在何處？何所表異？而其志之繁密，促數乃如此。又曰：過九江，至于敷淺原，則已自江州順流東下湖口，又



復汴流南上彭蠡百有餘里而後至焉亦何說哉此文不可通之妄說也至於今之所謂數淺原者則其為山也微而其全體正脈又特為廬阜以盡乎大江彭蠡之交矣不取於此以記衡山東道一支之所極者而獨有取乎彼之區區焉者則吾恐其山川之名古今或異而傳者未必得其真也凡此差舛其類不一讀而不思思而不考者既昏憤鹵莽而無足言矣其間亦有心知其誤而口不敢言乃反為之遷就穿鑿以蓋之其巧愈甚其謬愈彰使有識之士讀之愈疑而不敢信惟國初胡秘監旦近世晁詹事說之皆以九江為洞庭則其援證皆極精博而莆田鄭樵漁仲獨謂東匯澤為彭蠡東為北江入於海十三字為衍文亦為得之予既目睹彭蠡有原兩江不分之實又參之以此三說者而深以事理情勢求之然後果得其所以誤也蓋洪水之患惟河為甚而兗州乃其下流水曲而流緩地平而土疎故河之患於此為尤甚而作治之功十有三載然後同於諸州

竊料當時惟此等處事急民困勢重役煩禹乃親蒞而身督之不可一日而舍去若梁雍荆揚地偏水急不待疏鑿固已通行則分遣官屬往而視之其亦可也況洞庭彭蠡之間乃三苗氏之所居當是之時水澤山林深昧不測彼方負其險阻頑不即工則官屬之往者固未必遽敢深入其境是以但見彭蠡之為澤而不知其源之甚遠而且多但見洞庭下流之已為江而不知其中流之嘗為澤而甚廣也以此致誤互無足怪者若其用字之同異則經之凡例亦自可考顧讀者未深思耳今但刪去其東匯北江之衍字而正以洞庭為九江更以經之凡例通之則過九江至於東陵者言導岷山之水而是水之流橫截乎洞庭之口以至東陵也是漢水過三澨之例也過九江至於數淺原者言導岷陽之山而導山之人至於衡山之麓遂越洞庭之凡東取山路以至於數淺原也是導岷岐荆山而逾於河以盡常碣之例也以是觀之則經之文意不亦既明矣乎若更以他

書考之則山海經云廬江出三天子都本注云一作鄭  
今案丹陽故為鄣郡其得名蓋以此則作鄣為是入江  
彭澤西本注云彭澤今彭蠡也在鄱陽彭澤縣漢志云  
廬江出陵陽東南北入江蓋陵陽者丹陽之屬縣今寧  
國府旌德縣有陵陽山而三天子都乃在徽饒之境疑  
與陵陽腹背相直故廬江者得出其東南而西流北折  
以為鄣餘二水遂以會于彭蠡而入于江也及其入江  
則廬山屹立乎其西南而江之北岸即為郡之南境疑  
江與山蓋相因以得名而郡境雖在江北亦以南直此  
江此山而名之也然則彭蠡安得無源而必待漢匯江  
會而成哉漢志豫章為郡領縣十八其彭澤縣下註云  
禹貢彭蠡澤在其西其餘則言水入湖漢者八鄱陽鄱  
水餘汗餘水艾修水新淦淦水南城野水建城淩水宜  
春南水而壅彭水入大江者一頓豫章水而湖漢一水  
則又自雩都東至彭澤入江行千九百八十里也案今  
地勢彭蠡既與江通而豫章諸水不由彭蠡別無入江

之路則湖漢者即是彭蠡而其所受衆水之源又不止於廬江而已也。以此而觀則山海經之言猶有未盡。且其曰入江彭澤西者本謂經彭澤縣之西而入江耳。而語意不明遂若析江與澤各為一水而一東一西以入江者此亦其立言之疵也。漢志又自不知湖漢之即為彭蠡而兩言之又不知入大江者亦必錯於彭蠡而別為一例。又不知湖漢之為湖正以其澤名之而復兼以漢稱則又承禹貢之誤而弗深考也。至於雩都之水則但見其為一郡衆流之最遠而遂推為湖漢之源以主其名則又不知湖漢之名初非一水必自隆興以北衆水皆會稍為大澤然後可以名之。非雩都一水所得而專也。至如鄭漁仲漢水行文之說固善矣而其下文江水東迤北會為匯東為中江入於海之數言恐亦不能使人無疑而彼固未能盡正也。嗚呼禹貢所載者九州之山川吾之足跡未能徧乎荆揚而見其所可疑者已如此不知耳目見聞之所不及所可疑者又當幾何是

固不可得而知矣至於經之凡例本自明白而諸儒乃有過為新奇之說以亂之者若論導山而逾於河則亦不待聞見之及而知其繆矣夫禹之治水隨山刊木止豈自岍岐跨河東度而反為是諸山哉見前導岍及岐傳中若過九江至於數淺原亦有襲其繆者以為衡山之脉東渡而來則以見聞所及而知其必不然也蓋岷山之脉其一支為衡山者已盡於九江之西其一支又南而東度桂嶺者則包湘源而北徑潭袁之境以盡於廬阜其一支又南而東度大庾嶺者則包彭蠡之源以北盡乎建康其一支則又東包浙江之源而北其首以盡會稽南其尾以盡乎閩粵也豈衡山之脉能度九江而其度也又直為數淺原而已哉又有謂揚州之三江即荊州之中江北江而又病其闕一乃顧彭蠡之餘波適未有號則姑使之僭冒南江之名以足之且又自謂獨能窺見聖經書法之妙非他人之所及是以極巧而且新矣然自湖口而下江本無二安得有三且於下文之震澤又懸隔遼遠而不相屬也則

又安能曲說而彊附之哉問諸吳人則曰震澤下流實有三江以入於海彼既以自驗之恐其說之必可信而於今尚可考也因并論之以俟來者有所質焉九江彭蠡說始余讀禹貢即有所疑於此數條復見鄭漁仲所論以東為北江入於海者為衍文初亦意其有理既而思之去其所謂北江者則下文之中江者無所指矣晚以蒙恩假守二年於彭蠡之上乃得究觀其山川地理之實而知經文之不能無誤也至於以九江為洞庭則惟近世晁以道之說為然晁氏則本於胡秘監之說也細以地理遠近之勢度之宜從二公為是久欲略疏其語以破古今之曲說而因循不暇慶元丙辰閏月既望諸生偶有問者始得為之時方卧病神思昏塞甚恨文之不達吾意經說書說中又有與程泰之書與九江彭蠡說異想非定說故不贅辨

導沈水東流為濟入于河溢為

滎東出于陶丘北又東至于荷又東北會于汶又北東入

於海

河流水濟水也發源為流既東為濟地志云濟水出河東郡垣曲縣王屋山東南今絳州垣曲縣山也

始發源王屋山頂崖下曰流水既見而伏東出於今孟州濟源縣二源東源周迴七百步其深不測西源周迴六百八十五步其深一丈合流至溫縣是為濟水歷號公臺西南入於河溢滿也復出河之南溢而為滎滎即滎波之滎見豫州又東出於陶丘北陶丘地名再成曰陶在今廣濟軍西又東至於荷荷即荷澤亦見豫州謂之至者濟陰縣自有荷派濟流至其地爾汶北汶也見青州又東北至於東平府壽張縣安民亭合汶水至今青州博興縣入海唐李賢謂濟自鄭以東貫滑曹鄆濟齊青以入於海本朝樂史謂今東平濟南淄川北海界中有水流入海謂之清河鄆道元謂濟水當王莽之世川瀆枯竭其後水流逕通津渠勢改尋梁脉水不與昔同然則滎澤濟河雖枯而濟水未嘗絕流也程氏曰滎水之為濟本無他義濟之入河適會河滿溢出南岸溢出

者非濟水因濟而溢故禹還以元名命之案程氏言溢之一字固為有理然出於河南者既非濟水則禹不應以河枝流而冒稱為濟蓋溢者指滎而言非指河也且河濁而滎清則滎之水非河之溢明矣況經所書單立導況條例若斷若續而實有源流或見或伏而脈絡可考先儒皆以濟水性下勁疾故能入河穴地流注顯伏南豐曾氏齊州二堂記云泰山之北與齊之東南諸谷之水西北匯於黑水之灣又西北匯於栢崖之灣而至於渴馬之崖蓋水之來也衆其北折而西也悍疾尤甚及至於崖下則泊然而止而自崖以北至於歷城之西蓋五十里而有泉湧出高或至數尺其旁之人名之曰趵突之泉齊人皆謂嘗有棄糠於黑水之灣者而見之於此蓋泉自渴馬之崖潛流地中而至此復出也其注而北則謂之濼水達於清河以入於海舟之通於濟者皆於是乎達也齊多甘泉其顯名者十數而色味皆同以余驗之蓋皆濼水之旁出者也然則水之伏流地中固多



有之奚獨於滎澤疑哉吳興沈氏亦言古說濟水伏流地中今歷下凡發地皆是流水世謂濟水經過其下東阿亦濟所經取其井水煮膠謂之阿膠用攪濁水則清人服之下膈疏痰蓋其水性趨下清而重故也濟水伏流絕河乃其物性之常事理之

纂註

新安陳氏曰方氏

著者程氏非之顧弗深考耳

纂註

四嘗親過枯黃河見

濟水出河北溫縣者今徑枯黃河以入汶而後趨海而謂清濟貫濁河遂成虛論以此觀之則濟水性下固能伏流而出為滎然其性勁實能勁絕大河中而出為滎也程泰之謂溢為滎非濟溢辨之者以河濁滎清證其非當矣今大河改而南流而古大河遂為枯磔濟之貫河其迹顯然泰之之非不辨而明矣玉篇昞方卓反尼擊聲滎力谷力各二反水

導淮自桐柏東會于泗沂東

在濟南又音柏波滎也

入于海

水經云淮水出南陽平氏縣胎簪山禹只自桐柏導之耳桐柏見導山泗沂見餘州沂入於泗

泗入於淮此言會者以二水相敵故也入海在今淮浦導渭自鳥鼠同穴東會于

澧又東會于涇又東過漆沮入于河

同穴山名地志云鳥鼠山者同穴之

枝山也餘竝見雍州孔氏曰鳥鼠共為雌雄同穴而處其說怪誕不經不足信也酈道元云渭水出南谷山在鳥

鼠山西北禹只自鳥鼠同穴導之耳導洛自熊耳東北會于澗瀍又東會

于伊又東北入于河

熊耳盧氏之熊耳也餘竝見豫州洛水出冢嶺山禹只自熊耳導之耳

案經言嶠冢導漾岷山導江者漾之源出於嶠江之源出於岷故先言山而後言水也言導河積石導淮自桐柏導渭自鳥鼠同穴導洛自熊耳皆非出於其山特自其山以導之耳故先言水而後言山也河不言自者河源多伏流積石其見處故言積石而不言自也洸水不言山者洸水伏流其出非一故不誌其源也弱水黑水

不言山者九州之外蓋略之也小水合大水謂之入大水合小水謂之過二水勢均相入謂之會天下之水莫大於河故於河不言會

**纂註**

王氏炎曰凡導川皆決而委之於海然百川東注而

弱水獨西黑水獨南其入於東海則天下之水在北莫大於河在南莫大於江漢故先言導河而漢次之江又次之淮濟亦四瀆也故先言濟而淮次之皆自北而南也四瀆之外西有渭東有洛亦大川也故以是終焉

九

州攸同四隩既宅九山刊旅九川滌源九澤既陂四海

會同

隩隈也李氏曰涯內近水為隩陂障也會同與灘沮會同同義四海之隩水涯之地已可奠居九州

之山槎木通道已可孫告九州之川滌滌泉源而無壅過九州之澤已有陂障而無決潰四海之水無不會同而各有所歸此蓋總結上文言

**纂註**

呂氏曰水平而復九州四海水土無不平治也

計也

孔氏曰四海之內會同京師九州同風萬國共

賈林氏曰九州

辨之悉矣至此又言其所以同有以

辨之

則異制異俗異和異宜各得其所而不相亂有以

同之

則同軌同文同倫各要其歸而不見其異序言別

此言同先別而後同也

上官氏曰天下山水見於禹

貢者四十有五而九水為大九山為高

大者既導則小

者無不順矣高者既治則卑者無不平

矣此九山九川所以叙於九州之後也

六府孔修庶土

交正底慎財賦咸則三壤成賦中邦

孔大也水火金木

土者財之自生謂之庶土則非特穀土也庶土有等當

以肥瘠高下名物交相正焉以任土事底致也因庶土

所出之財而致謹其財賦之入如周大司徒以土宜之

法辨十有二土之名物以任土事之類咸皆也則品節

之也九州穀土又皆品節之以上中下三等如周大司

徒辨十有二壤之名物以致稼穡之類中邦中國也蓋土

賦或及於四夷而田賦則止纂註復齋董氏曰九疇先於中國而已故曰成賦中邦

治則六府皆理呂氏曰底慎其心也則壤其迹也本末皆備林氏曰準則上中下之土壤即前九等之田

三等言其畧九等言其詳也陳氏大猷曰上各州惟舉一隅至此總結之以見九川之所同如宅土既宅惟

見於充雍故此以四隩既宅總之旅山惟見於梁雍故此以九山刊旅總之各州所載川澤雖多然九州川澤

不止是也故以九川九澤之滌陂總之上雖各載達河之道而四方之趨帝都者不止是也故以四海會同總

之六府孔修則非特水土之治而已庶土交正則山林川澤邱陵墳衍原隰之土地無不正非特墳壤墟之復其

性而已也正庶土而慎財賦所以總結九州所貢篚之物也則三壤以成中邦之賦所以總結九州九等之田

與賦錫土姓錫土姓者言錫之土以立國錫之姓以立宗左傳所謂天子建德因生以賜姓胙之

土而命之

**纂註**

林氏曰水土平可以封建諸侯也如契氏者也

有姓昔固有矣

**祇台德先不距朕行**

台我距遠也禹平

至是偏錫之

**纂註**

陳氏曰

侯治已定功已成矣當此之時惟敬德以

先天下則天下自不能違越我之所行也

史氏我其君上也 王氏炎曰曰台曰

朕皆禹自言指台朕為堯舜非經意也 **五百里甸服百**

**里賦納總二百里納銍三百里納秸服四百里粟五百**

里米 甸服畿內之地也甸田服事也以皆田賦之事故謂之甸服五百里者王城之外四面皆五百里也

禾本全曰總刈禾曰銍半粟也半粟去皮曰秸謂之服者三百里內去王城為近非惟納總銍秸而又使之服輸將之事也獨於秸言之者總前二者而言也粟穀也內百里為最近故并未本總賦之外百里次之只刈禾半

橐納也外百里又次之去橐廩皮納也外百里為遠去其穗而納穀外百里為尤遠去其穀而納米蓋量其地之遠近而為納賦之輕重精廩也輯錄里者乃道途遠此分甸服五百里而為五等者也近之數非方井之里也甸治田也畿內天子之田其民主為天子治田事故謂之甸服蓋近廩而遠精近者易致遠者難致故也畿內專言田賦者畿內不封諸侯故田賦入天子然五服事各不同亦舉凡例互相見東齊集傳纂註張氏曰此以下因水土既平而言弼成五服之事服服其事也內而甸侯綏外而要荒莫不各服其事於天子故皆謂之服孔氏曰甸服為天子服治田禾橐曰總供飼國馬唐孔氏曰鉉鍊也用以刈故以鉉表禾穗嵇言服舉中以明上下侯服以外貢不入穀甸主治田故服名甸蘇氏曰獨言甸服之賦者內詳王賦之法而諸侯可推也陳氏大猷曰禹之甸法達於天下詩奕奕梁山維禹甸之傳少康有田一成皆甸法也王畿

獨以甸名服者農事國之本也京師聲名文物之所萃四方百貨之所聚其民易以棄本逐末制名甸服示天下以務本重穀也新安陳氏曰或謂服如國服之服他有服役不但輸將或又謂秸只納橐以此三百里在遠近之中故使只納橐而服輸將之役也碧梧馬氏曰秸服之服先儒多以服字就秸字上解秸橐也若去禾中之粟米而納空橐惟使之服輸將之事是其賦輕於四百里五百里矣若存禾中之粟米而又納橐又服輸將之事其賦重於百里二百里矣惟蔡傳摘出服字以為總前二者言之為通蓋孔氏亦以此明上下服並皆有所納之役矣第孔氏說以服五百里侯服百里字貫總銓粟米言之文勢為礙爾

# 采二百里男邦三百里諸侯

侯服者侯國之服甸服外四面又各

五百里也采者卿大夫邑地男邦男爵小國也諸侯諸侯之爵大國次國也先小國而後大國者大可以禦外



衛小得以安內附也此分輯錄第二之百里為男爵之  
侯服五百里而為三等也國三百里謂自三至

五為百里者三隨文生例不可拘也侯服惟言纂註  
邑國者畿外主於封侯亦互相見並東齊集傳

呂氏曰采邑如今之職田言男則五百里綏服三百里  
予在其間言侯則公伯在其間

### 揆文教二百里奮武衛

綏安也謂之綏者漸遠王畿而取撫安之義侯服外四面又各

五百里也揆度也綏服內取王城千里外取荒服千里  
介於內外之間故以內三百里揆文教外二百里奮武

衛文以治內武以治外聖人所以嚴華夏之纂註陳氏  
辨者如此此分綏服五百里而為二等也

曰綏服內安中國外安邊疆也內三百里非全無武衛  
以文教為主外二百里非全無大教以武衛為主文教

以善其生武衛以護其生民斯安矣又曰武以衛言保  
護而已治世武事易弛故奮以修之聖人不黷武亦不

廢武也與後世恃小康而銷兵者異矣林氏曰漢魏使外夷入居中國障塞之地至西晉有劉石之禍石晉以盧龍賂契丹至重貴有邪律之難綏服嚴華夷之辨萬世不易之法也

五百里要服三百

里夷二百里蔡

要服去王畿已遠皆夷狄之地其文法略於中國謂之要者取要約之義特羈縻之

而已綏服外四而又各五百里也蔡放也左傳云蔡蔡叔是也流放罪人於此也此分要服五百里而為二等也

五百里荒服三百里蠻二百里流

荒服去王畿益遠而經略之者視要

服為尤略也以其荒野故謂之荒服要服外四而又各五百里也流流放罪人之地蔡與流皆所以處罪人而罪有輕重故地有遠近之例也此分荒服五百里而為二等也今案每服五百里五服則二千五百里南北東西相距五千里故益稷篇言弼成五服至於五千然堯都冀州冀之北境并雲中涿易亦恐無二千五百里藉

使有之亦皆沙漠不毛之地而東南財賦所出則反棄  
於要荒以地勢考之殊未可曉但意古今土地盛衰不  
同當舜之時冀北之地未必荒落如後世耳亦猶閩浙  
之間舊為蠻夷淵藪而今富庶繁衍遂為上國土地興  
廢不可以一時槩也周制九畿曰侯甸男采衛蠻夷鎮  
藩每畿亦五百里而王畿又不在其中併之則一方五  
千里四方相距為萬里蓋倍禹服之數也漢地志亦言  
東西九千里南北一萬三千里先儒皆疑禹服之狹而  
周漢地廣或以周服里數皆以方言或以古今尺有長  
短或以為禹直方計而後世以人迹屈曲取之要之皆  
非的論蓋禹聲教所及則地盡四海而其疆理則止以  
五服為制至荒服之外又別為區畫如所謂咸建五長  
是已若周漢則盡其地  
**纂註**王氏曰夷易也無中國禮  
之所至而疆畫之也  
法易而已蠻慢也甚於夷  
矣林氏曰記言東夷西戎南蠻北狄相類而言則有  
四名舉一二言則皆可通如四夷來王蠻夷率服是也

此處不必拘東夷南蠻之名夷易蠻慢之訓其或然歟  
馬氏曰甸侯綏為中國要荒已為夷狄聖人之治詳  
內略外觀五服名義可見治中國則法度宜詳治以必治  
也治夷蠻則法度宜略治以不治也觀至於五千見德  
化之遠及觀要荒二服見法度之不及及聖人不務廣  
地而勤遠略可見矣 曾氏曰周之九服述者終不能  
大異於作者周之王畿即禹之甸服服甸服即禹之  
侯服男服采服即禹之綏服衛服介於其中即綏服之  
齊武衛蠻服夷服即禹之要服鎮服藩服即禹之荒服  
也 王制西不盡流沙南不盡徂山東不盡東海北不  
盡恒山應氏曰東海在中國封疆內西南北海則遠在  
夷徼之外南獨以江與衡山為限蓋百粵未盡開也惟  
河舉東南西北河汎帶中國也自秦而上西北表而東  
南蹙自秦而下東南展而西北縮此古今天地之大運也  
當先王時四方各有不盡之地 駱 東漸于海西被于流  
沙夷居之不勞中國以事外也

沙朔南暨聲教訖於四海禹錫玄圭告厥成功

漸漬被覆暨及

也地有遠近故言有淺深也聲謂風聲教謂教化林氏曰振舉於此而遠者聞焉故謂之聲軌範於此而遠者效焉故謂之教上言五服之制此言聲教所及蓋法制有限而教化無窮也錫與師錫之錫同水土既平禹以玄圭為贄而告成功於舜

**纂註**

林氏曰此又推聖化所極至而言之漸如水之

漸漬被如衣之被覆朔南不言所至以下文四海見之也漸被暨皆言聲教所如無分遠近輕重特變文耳陳氏大猷曰聖人政事所治詳內略外不求盡於四海而道德所化則無內外之限而必極於四海自禹敷土而下槩舉治水規模言之自冀州而下以帝都為主自東而西區別九州之疆域言之自導嶺而下則自西而東貫串九州之山水言之自九州攸同而下則總合九州成績言之自五百里甸服而下則以成五服自內及

外言之自東漸而下則遠舉四極言之以至於告成功而終焉經緯錯綜法度森嚴非聖經不及此新安陳氏曰禹貢一書雖紀平水土制貢賦之事而有躬行教化之精微寓焉曰祇台德先不距朕行躬行心得以為教化之本者也曰文教曰聲教教化之流行而躬行之效驗也後之山經地志與夫財用之書有是哉愚謂禹貢紀禹治水之規模次第與水平後任土作貢之法及弼成五服之事自黃帝畫野分州九州封域已定矣禹治水復取高山大川以別識之使各州之官率民以趨事也其始於冀州非徒以帝都為先蓋水患皆因下流壅塞而然禹先用功於下流以疏其壅塞之勢然後用功於上流以濬其發源之地下流有所歸則上流有所殺矣天下大勢西北高而東南下九水惟河為大水患惟河為急河始入於雍而經於冀則冀當河之下流而兗又其下流之入海處所以禹之功役自冀而兗則疏河之下流也自兗而青則疏濟之下流也自青而徐

則疏淮之下流也。自揚而荆則疏江漢之下流也。河濟淮江漢五水之下流既通，水患之平已十去七八矣。然上流不濬，則猶有壅塞之患。於是自荆而豫以濬伊洛之源，自豫而梁以濬江漢之源，自梁而雍以濬河渭之源。從北而東，從東而南，從南而西，從西而北，始於河終於河。聖人之能事畢矣。然猶未也。辨土地之宜，定貢篚之品，不彊其所無也。分田產之等，立賦歛之法，取於民有制也。甸服之內，天子自治；侯服之外，以封諸侯。又所以分民而理也。至於禽獸蟲魚，遐方異類，亦使之各得其所，仁之至義之盡也。故一書之中，觀其規模次第，若事乎法度之維持，求其綱領樞機實關乎德行之感化。故曰：祇台德先，不距朕行。讀禹貢者，毋徒知作貢之法，當求其祇德之心。

### 甘誓

甘地名有扈氏國之南郊也。在扶風鄠縣。誓與禹征苗之誓同義。言其討叛伐罪之

意嚴其坐作進退之節所以一衆志而起其怠也誓師於甘故以甘誓名篇書有六體誓其一也今文古文皆有案有扈夏同姓之國史記曰啓立有扈不服遂滅之唐孔氏因謂克舜受禪啓獨繼父以是不服亦臆度之耳左傳昭公元年趙孟曰虞有三苗夏有觀扈商有姚邱周有徐奄則有扈亦纂註左傳釋音觀去聲姚三苗徐奄之類也

# 大戰干甘乃召六卿

六卿六卿之卿也案周禮鄉大夫每鄉卿一人六卿六卿平居無事

則各掌其鄉之政教禁令而屬於大司徒有事出征則各率其鄉之一萬二千五百人而屬於大司馬所謂軍將皆卿者是也意夏制亦如此古者四方有變專責之方伯方伯不能討然後天子親征之天子之兵有征無戰今啓既親率六軍以出而又書大戰于甘則有扈之怙強稔惡敢與天子抗衡豈特孟子所謂六師移之者



書曰大戰蓋所以深著有扈不臣纂註李氏曰六卿非之罪而為天下後世諸侯之戒也纂註自冢宰至司空

之六卿也周禮云云見傳蓋王之六卿別有此六卿也若以為六卿分職之六卿無緣冢宰亦屬於司馬知其

非也新安胡氏曰此書固見有王曰嗟六事之人予扈之不臣亦見啓之尚能為君

誓告汝重其事故嗟數而告之六事者非纂註李氏曰但六卿有事於六軍者皆是也虞書言

咨其後變為嗟肅征嗟予有衆有扈氏威侮五行怠棄三湯誥嗟爾萬方有衆皆是

正天用勦絕其命今予惟恭行天之罰威暴殄之也侮輕忽之也蘇汨

五行而殛死況於威侮之者乎三正子丑寅之正也夏正建寅怠棄者不用正朔也有扈氏暴殄天物輕忽不

敬廢棄正朔虐下背上獲罪於天用勦絕其命今我伐之惟敬行天之罰而已今案此章則三正迭建其來

久矣舜協時月正日亦所以一正朔纂註孔氏曰自此也子丑之建唐虞之前當已有之

辭呂氏曰五行之氣散在天地間秀者為人偏者為

物殘民殄物威侮之實也陳氏大猷曰凡背五常之

道拂生長斂藏之宜皆威侮五行也孔氏曰情廢天

地人之正道言亂常也馬氏曰建子丑寅三正也

林氏曰商方有改正朔事夏以前未有也要之但言其

廢三綱五常耳夏氏曰董仲舒謂舜紹堯順天道改

正朔易服色此非夏以前事乎王氏炎曰夫子論孝

子產論禮皆曰天之經地之義民之行三正不過如此

堯授時以寅為正月舜禹因之堯舜之前安有子丑二

正陳氏大猷曰使果不用正朔亦豈應言三正仲舒

所云乃漢儒多喜言改正朔耳新安陳氏曰商以前

若果無子丑二正則是自古以來皆建寅孔子何獨言

行夏之時乎或謂威侮五行為威侮五行之理蓋仁為

木之神愛之理之類是慢五常也怠棄三正是棄三綱

也二說姑兼存之蔡氏以暴殄天物為威侮五行是偏以質具於地之五行言之陳氏兼以氣行於天之五行與五行之理言左不攻于左汝不恭命右不攻于右汝不恭命

御非其馬之正汝不恭命

左車左右車右也攻治也古者車戰之法甲士三人一居

左以主射一居右以主擊刺御者居中以主馬之馳驅也左傳宣公十二年楚許伯御樂伯攝叔為右以致晉師樂伯曰吾聞致師者左射以箠是車左主射也攝叔曰吾聞致師者右入壘折馘執俘而還是車右主擊刺也御非其馬之正猶王良所謂詭遇也蓋左右不治其事與御非其馬之正皆足以致敗故各指其人以責其職而不敢忽也纂註玉篇敢側鳩反矢之善者用命賞于祖不用命戮于社予則孥戮汝戮殺也禮曰天子巡狩以遷廟主行左傳軍行被社鼙鼓然則天子

親征必載其遷廟之主與其社主以行以示賞戮之不  
敢專也祖左陽也故賞于祖社右陰也故戮于社孥子  
也孥戮與上戮字同義言若不用命不但戮及汝身將  
併汝妻子而戮之戰危事也不重其法則無以整肅其  
衆而使赴功也或曰戮辱也孥戮猶秋官司厲孥男子  
以為罪隸之孥古人以辱為戮謂戮辱之以為孥耳古  
者罰弗及嗣孥戮之刑非三代之所宜有也案此說固  
為有理然以上句考之不應一戮而二義蓋罰弗及嗣  
者常刑也予則孥戮者非常刑也常刑則愛克厥威非  
常刑則威克厥愛盤庚遷都尚有剝殄滅之無遺育之  
語則啓之誓纂註新安陳氏曰恭行天之罰一言與汝  
師豈為過哉纂註不恭命之三言然後知恭之一字為  
此篇之綱領有扈之威侮怠棄不恭故也啓之行天罰  
以恭為本我恭天之命左右御當恭我之命用命而賞  
賞其恭命者也不用命而戮戮其不恭命者也賞與戮  
不敢自專必行之於祖於社皆致其恭也恭敬者百聖

相傳之心法啓之恭敬之心即禹祇承之心也啓賢能敬承繼禹之道於此亦可見云 吳氏泳曰甘誓一篇僅八十字而其間六軍之制車乘之法邦國賞刑之典誓師之辭靡不明備蓋古人之學精蘊本末不廢啓雖承堯舜禹傳道之後而干戈行陳之事亦曾從家學素講明來一傳至仲康而脩征所言亦可以考當時人物軍旅官名制度乃知明明我祖萬邦之君有典有則貽厥子孫真至言哉 武夷熊氏曰予讀甘誓未嘗不歎帝德之哀王風之變也史記曰啓立有扈不服故伐之唐孔氏曰堯舜禪受故獨繼父以是不服司馬遷聞見猶逮古其言又有證蔡氏以此為臆度之說取左氏夏有觀扈凡三苗徐奄之類以為此誓不過紀討叛伐罪之意嚴坐作進退之節耳然則此亦常事聖人亦何取而繫之書也愚竊以謂典謨所載其大節乃堯舜禹受禪之事未及於傳子也且征苗一事不過直往正其罪耳豈有諸侯敢與天子抗而至於交戰也哉序云大戰于

甘聖人之心斷可識矣聖人亦知夫傳賢之不可以繼也幸而為天下得人而皆如舜之繼堯禹之繼舜也則亦善矣風氣益薄壽考不常高位奸窺大寶邪伺聖賢少而奸雄多聖人奈何而不為後世深慮也與其傳賢而不可繼孰若傳子定嫡而民猶有定志哉於是立綱陳紀以定一代之法度子之賢固善矣使中才庸主猶可持循勿失以保世道之小康不幸而有奸大惡如桀紂之暴則必有湯武者出奉天討而誅之矣此聖人公天下之心也甘誓之作此世運升降之一大機也帝降而王在此一簡王風一變帝德遂衰此讀書者因有感於此矣愚嘗聞之師曰禹傳子之後天下便是半死半活世界不恃人而特法其弊固至此哉胡文定傳春秋謂孔子兼帝王之法當傳賢則傳賢當傳子則傳子此固正論然嫡可前定賢不可前定而亦何所守以定天下之民志哉傳子以嫡使民無異志而又教之得其道輔之得其人上焉如伊周之於太甲成王也次焉如

霍葛之於孝宣昭烈也隆師保之任嚴教諭之法則亦庶乎其可矣愚謂堯以天下讓舜舜以天下讓禹至於羣后德讓丹朱以傲虐猶執賓禮於虞庭有苗以昏迷尚感文德而至格聖德神化如洪爐大冶豈復有銷鑠不盡之頑礦哉以啓之賢繼禹之道而有扈小臣敢於抗天子勇於拒王師史官作書曰大戰于甘所以深著有扈之罪也於此而不聲罪致討則亂臣賊子何所懼哉以此知天下之患雖小不可忽也前人之功雖大不可恃也在我而已矣世固有蒙祖父之烈虐用其民而顧自信人之不叛已者吁奚可哉彼有功於天地生民者莫若禹能敬承繼禹之道者莫若啓猶有有扈氏之亂况不如禹啓父子者乎吁萬世可以鑒矣抑愚又有感焉天下雖安忘戰必危禹自征苗以來未嘗用師軍旅之事宜啓所未聞也而一旦赫然以征有扈召六卿而誓與會羣后而誓者同科威侮五行怠棄三正與侮慢自賢反道敗德者同意恭行天罰用命不用命與奉

將天罰爾尚一乃心力者同辭蓋宛然神考家法也然則禹固不以天下為無事而不訓以兵啓亦不以天下為無事而不習於兵講之以豫用之以節斯其為王者之師歟

### 五子之歌

五子太康之弟也歌與帝舜作纂註歌之歌同義今文無古文有

張氏曰美哉禹功明德遠矣再傳至太康一盤遊田便至失國以禹之德之功不能蓋也為人

君可少肆乎

太康尸位以逸豫滅厥德黎民咸貳乃盤遊無度畋于

有洛之表十旬弗反

太康啓之子尸如祭祀之尸謂居其位而不為其事如古人所謂尸

祿尸官者也豫樂也夏諺曰吾王不遊吾何以休吾王不豫吾何以助一遊一豫為諸侯度夏之先王非不遊



豫蓋有其節皆所以為民非若太康以逸豫而滅其德也民咸貳心而太康猶不知悔乃安於遊畋之無度言其遠則至於洛水之南言其久則十

**纂註**

新安胡氏曰此史序五子

旬而弗反是則太康自棄其國矣作歌之由能敬必有德逸豫有窮后羿因民弗忍距于

**河**

窮國名羿窮國君之名也或曰羿善射者之名賈逵說文羿帝嚳射官故其後善射者皆謂之羿有窮之

君亦善射故以羿目之也羿因民不堪命距太康于河北使不得返遂廢之

**纂註**

林氏曰觀左傳魏絳

數羿之失曰淫于原獸曰將歸自田家衆殺而烹之羿與太康實無以異呂氏曰姦雄何代無之我之勢固

彼無因而入苟有間隙彼必投之羿之變所以因民弗忍也因者明禍亂之本在此不在彼也秦不築長城起

阿房勝廣何所因隋不伐遼東遊江都李厥弟五人御密王世充何所因又曰禹都安邑河北也

其母以從僕于洛之汭五子咸怨述大禹之戒以作歌

御侍也怨如孟子所謂小弁之怨親親也小弁之詩父子之怨五子之歌兄弟之怨親之過大而不怨是愈疎也五子知宗廟社稷危亡之不可救母子兄弟離散之不可保憂愁鬱悒慷慨感厲情不自已發為詩歌推其亡國敗家之由皆原於荒棄皇祖之訓雖其五章之間非盡述皇祖之戒然其先後終始互相發明史臣以其作歌之意序於五章之首後世序詩者每篇纂註呂氏皆有小序以言其作詩之義其原蓋出諸此纂註曰五子之歌當以詩體觀不當以書體觀五子之歌一章切於一章一章述禹敬民之訓二章自答取亡之道三章痛惜冀都之業四章反覆家緒之本末五章盡取憂愧歸之於己其情極矣欲觀詩者當先觀書觀舜皋之歌則見詩之雅頌觀五子之歌則見詩之變風變雅陳氏大猷曰五章俯仰節奏怨而不怒真溫柔敦厚可以

怨者

其一日皇祖有訓民可近不可下民惟邦本本固

邦寧

此禹之訓也皇大也君之與民以勢而言則尊卑之分如霄壤之不侔以情而言則相須以安猶身

體之相資以生也故勢疎則離情親則合以其親故謂之近以其疎故謂之下言其可親而不可疎之也且民者國之本本固而後國安本既不固則雖強如秦富如隋終亦滅亡而已矣其一其二或長幼之序或作歌之序不可也  
**纂註**  
新安陳氏曰五歌節奏有序若出於一意者五子相與共為此歌未必一歌出於一子而循少長之序為之也否則出於夏史潤色次第歟

予視天下愚夫愚婦一能勝

予一人三失怨豈在明不見是圖予臨兆民慄乎若朽

索之馭六馬為人上者奈何不敬

予五子自稱也君失人心則為獨夫獨夫

則愚夫愚婦一能勝我矣三失者言所失衆也民心怨  
背豈待其彰著而後知之當於事幾未形之時而圖之  
也朽腐也朽索易絕六馬易驚朽索固非可以馭馬也  
以喻其危懼可畏之甚為人上者奈何而不敬乎前既  
引禹之訓言此則以己之不足纂註陳氏大猷曰失至  
恃民之可畏者申結其義也於三不望其復改

矣頻復之凶也民怨之蓄必深矣林氏曰朽索馭六  
馬猶晉人作危語新安陳氏曰古車一乘四馬兩服

兩駮天子車六馬服駮之旁加兩駮也馬在車中為服  
在車外為駮在駮外為駮陸氏佃曰天子之車盛則

駕六常則駕四陳氏經曰此章言國以民為本君之  
固結民心以敬為本以見太康失邦由失民心失民心

由於逸豫  
不敬也

其二曰訓有之內作色荒外作禽荒甘酒嗜

音峻宇彫牆有一於此未或不亡

此亦禹之訓也色荒  
惑宴寵也禽荒耽遊

政也荒者迷亂之謂甘嗜皆無厭也峻高大也宇棟宇也彫繪飾也言六者有其一皆足以致滅亡也禹之訓昭明如此而太康獨不念之乎此章纂註林氏曰此但首尾意義已明故不復申結之也

皇祖有訓也

王氏十朋

曰三風十愆君有一于身國

必亡與此同意

真氏曰大禹之訓凡六言二十有四

字爾而古今亂亡之霧靡不由之壞乎其不可犯也古詩之體實源乎此意者大禹為之使子孫誦而傳之乎為人主者以此大訓揭之座隅銘之楹席若古聖人儼臨乎前則保國之金湯全生之藥石也其三曰

惟彼陶唐有此冀方今失厥道亂其紀綱乃底滅亡

初堯

為唐侯後為天子都陶故曰陶唐堯授舜舜授禹皆都冀州言冀方者舉中以包外也大者為綱小者為紀底致也堯舜禹相授一道以有天下今太康失其道而紊亂其紀綱以致滅亡也又案左氏所引惟彼陶唐之下

有帥彼天常一語厥道作其纂註陳氏大猷曰道者君行乃底滅亡作乃滅而亡

持天下之制左其四曰明明我祖萬邦之君有典有氏所引見襄五

則貽厥子孫闕石和鈞王府則有荒墜厥緒覆宗絕祀

明明明而又明也我祖禹也典猶周之六典則猶周之八則所以治天下之典章法度也貽遺闕通和平也百二十斤為石三十斤為鈞鈞與石五權之最重者也闕通以見彼此通同無折閱之意和平以見人情兩平無乖爭之意言禹以明明之德君臨天下典則法度所以貽後世者如此至於鈞石之設所以一天下之輕重而立民信者王府亦有之其為子孫後世慮可謂詳且遠矣奈何太康荒墜其緒覆其宗而絕其祀乎又崇法度之制始於權權與物鈞而生衡衡運生規規圓生矩矩方生繩繩直生準是權衡者又法度之所自出也故

以鈞石輯錄問闕石和鈞恐只是鈞石之名如纂註數

言之沈氏曰經常無訛是之謂典中正有準是之謂則

初齊氏曰以理言則以君臣父子兄弟夫婦朋友為五

典是也就事言則以堯舜所行為二典是也動則隨時

取中靜則守正不移而皆自然有以為之準此所謂事

理當然之極也言其物之當然者則其五曰嗚呼昌歸

曰物則言其理之自然者則曰天則

子懷之悲萬姓仇子子將疇依鬱陶乎子心顏厚有忸

怩弗慎厥德雖悔可追曷何也嗚呼曷歸歎息無地之

可依也為君至此亦可哀矣仇子之子指太康也指太

康而謂之子者不忍斥言忠厚之至也鬱陶哀思也顏

厚愧之見於色也忸怩愧之纂註林氏曰曷歸者太康

發於心也可追言不可追也也五子則曰子之悲

民仇者太康也五子則曰仇子仁人之於兄弟榮辱一體有邦則同其安榮失邦則同其危辱親愛之至情也施氏曰五子之怨不深尤太康乃若其身親為不善以致之者非其仁愛之意元於中而發見於外安能若是孔子於書取此歌於詩取小弁其意一也陳氏大猷曰五子不咎羿而曰萬姓仇子不咎萬姓而曰弗慎厥德不咎太康而惟自怨自艾所謂怨而不怒也太康失國因於不敬慎爾故五子之歌始之曰奈何不敬終之曰弗慎厥德以是始終焉乃一篇之綱領也故曰敬勝怠者吉怠勝敬者滅愚謂聖人言善惡成敗猶醫師之辨藥性法司之明律令某物食之殺人某事犯之致死不吾欺矣輕生者不顧而身試之卒至禍敗其太康之謂歟禹之訓色荒禽荒甘酒嗜音峻宇彫牆有一于此或不忘太康一犯禽荒之戒竟以失邦如食殺人之毒而犯致死之刑何其嚴而不可違如此哉禹訓之嚴太康雖不悟然後之為君者有所警焉所以四百年



而後有桀千有餘年而後有紂  
不然如太康者豈若是疎乎

脩征

脩國名孟子曰征者上伐下也此以征名實即誓也仲康丁有夏中衰之運羿執國

政社稷安危在其掌握而仲康能命脩侯以掌  
六師脩侯能承仲康以討有罪是雖未能行羿  
不道之誅明義和黨惡之罪然當國命中絕之  
際而能舉師伐罪猶為禮樂征伐之自天子出  
也夫子所以錄其書者以是歟今文無古文有  
或曰蘇氏以羲和貳於羿忠於夏者故羿假仲  
康之命命脩侯征之今案篇首言仲康肇位四  
海脩侯命掌六師又曰脩侯承王命徂征詳其  
文意蓋史臣善仲康能命將遣師脩侯能承命  
致討未見貶仲康不能制命而罪脩侯之為專  
征也若果為篡羿之書則亂臣賊  
子所為孔子亦取之為後世法乎

惟仲康肇位四海胤侯命掌六師義和廢厥職酒荒于

厥邑胤后承王命徂征

仲康太康之弟胤侯胤國之侯命掌六師命為大司馬也仲康

始即位即命胤侯以掌六師次年方有征義和之命必本始而言者蓋史臣善仲康肇位之時已能收其兵權故義和之征猶能自天子出也林氏曰羿廢太康而立仲康然其篡也乃在相之世仲康不為羿所篡至其子相然後見篡是則仲康猶有以制之也羿之立仲康也方將執其禮樂征伐之權以號令天下而仲康即位之始即能命胤侯掌六師以收其兵權如漢文帝入自代邸即皇帝位夜拜宋昌為衛將軍鎮撫南北軍之類義和之罪雖曰沈亂于酒然黨惡於羿同惡相濟故胤侯承王命徂征之以剪羿羽翼故終仲康之世羿不得以逞使仲康盡失其權則羿之篡夏豈待相而後敢邪義和氏夏合為一官曰胤后者諸侯入為王朝公卿如禹稷

伯夷謂輯錄

問東坡疑削征曰袁道潔考得是太康失河北至相方失河南然亦疑羲和是箇歷

官職誅之可也何至誓師如此大抵古書之不可考皆類此也大雅

纂註

左傳曰羿逐太康立其弟

仲康在位十四年崩子相立

林氏曰羲和夏為一官至周不復稱羲和而為馮相保章氏隸於大宗伯其任

又輕於夏矣太史公曰文史星歷近乎卜祝之間主上所戲弄倡優畜之愈益輕矣息齋余氏曰傳云仲康

始即位即命胤侯以掌六師次年方有征羲和之命其曰始即位以肇位言也其曰次年則不復著其所據後

又引唐志曰日蝕在仲康即位之五年當何所折衷歟今案經世書以征羲和為仲康元年事則是即位之次

年也古者逾年改元告于衆曰嗟予有衆聖有謨訓明徵定保先

王克謹天戒臣人克有常憲百官修輔厥后惟明明

微驗

保安也聖人訓謨明有徵驗可以定安邦國也下文即  
謨訓之語天戒日蝕之類謹者恐懼修省以消變異也  
常憲者奉法修職以供乃事也君能謹天戒於上臣能  
有常憲於下百官之衆各修其職以輔其君故君內無失  
德外無失政此其所以為明明后也又案日蝕有君弱  
臣強之象后羿專政之戒也義和掌日月之官黨羿而  
不言是  
**纂註**王氏曰使義和守常憲以修輔則仲康得  
可赦乎  
**纂註**慎天戒而修省矣今畔官離次不知有日  
蝕之變則是不有常憲昧先  
聖之謨訓安能免於誅乎  
每歲孟春道人以木鐸徇

于路官師相規工執藝事以諫其或不恭邦有常刑

道人

宣令之官木鐸金口木舌施政教時振以警衆也周禮  
小宰之職正歲帥治官之屬徇以木鐸曰不用法者圖  
有常刑亦此意也官以職言師以道言規正也相規云  
者胥教誨也工百工也百工技藝之事至理存焉理無

往而不在故言無微而可略也孟子曰責難於君謂之恭官師百工不能規諫是謂不恭不恭之罪猶有常刑而況於畔官離次離次惟時義和顛覆厥德沈亂于酒畔官畔官俶擾天紀者乎

離次俶擾天紀遐棄厥司乃季秋月朔辰弗集于房瞽

奏鼓嗇夫馳庶人走義和尸厥官罔聞知昏迷于天象

以干先王之誅政典曰先時者殺無赦不及時者殺無

赦次位也官以職言次以位言畔官則亂其所治之職離次則舍其所居之位俶始擾亂也天紀即洪範所

謂歲月日星辰歷數是也蓋自堯舜命義和歷象日月星辰之後為義和者世守其職未嘗紊亂至是始亂其

天紀馬遐遠也遠棄其所司之事也辰日月會次之名房所次之宿也集漢書作輯集輯通用言日月會次不

相和輯而掩蝕於房宿也案唐志曰蝕在仲康即位之五年瞽樂官以其無目而審於音也奏進也古者日蝕則伐鼓用幣以救之春秋傳曰惟正陽之月則然餘則否今秋季而行此禮夏禮與周異也嗇夫小臣也漢有上林嗇夫庶人庶人之在官者周禮庭氏救日之弓矢嗇夫庶人蓋供救日之百役者曰馳曰走者以見日蝕之變天子恐懼於上嗇夫庶人奔走於下以助救日如此其急義和為歷象之官尸居其位若無聞知則其昏迷天象以干先王之誅豈特不恭之刑而已哉政典先王政治之典籍也先時後時皆違制失時當誅而不赦者也今日蝕之變如此而義和罔聞知是固干先王後時之誅矣輯錄日月一歲凡十光都盡而為晦已會則月光復蘇而為朔朔後晦前各十五日日月相對則月光正滿而為望晦朔日月之合東西同度南北同道則月揜日而日為之食望而日月之對同度同道則月抗日而月為之食是皆有常度矣

王者修德行政能使陽盛足以勝陰陰衰不能侵陽則日月之行雖或當食而月常避日故其遲速高下必有參差而不正相對者所以當食而不食也若國無政不用善則陰盛陽微當食必食雖曰有常度而實為非常之變矣詩傳義剛問生明生魄先生曰云云又曰魄加日之上則日食在日之後無食謂之晦朔則日月相並又問月食如何先生曰至明中有暗處其暗至微望之時月與之正對無分毫相差月為暗處所射故食雖是陽勝陰畢竟不好若陰有退避之意則不相敵而不成食矣先時者殺無赦不及時者殺無赦林氏謂是警衆之辭非言昏迷天象之人未知是否先生曰以上文考纂註之林說非是然此篇自可疑當闕之答潘子善纂註蘇氏曰官局所在曰次孔氏曰房所舍之次唐孔氏曰房如房室之房謂日月所舍之處九月之朔日月當會於大火之次或以房為房星房心為大火似矣然集是止舍之處言其不集於舍故得以表日食若言不集

於房星惟見厯錯不表曰食以此知非房星新安陳氏曰房有二說近代善厯者推仲康時九月合朔已過房心北矣據左傳昭公十七年梓慎曰宋大辰之虛也陳太皞之虛也鄭祝融之虛也皆火房也杜預註房舍也所謂火房與此義同皆所舍之次也堯時中星已與月令不同指月令日在房者非也孔氏曰政典若周官六卿之治典先時謂厯象之法四時節氣望晦朔先天時則罪死不赦不及謂厯象後天時雖治其官苟有先後之差則無赦况廢官乎新安陳氏曰政典有司馬掌邦政可據肩侯為大司馬故引以為言玩其辭意真誓軍旅之辭以屬下文者是今予以爾有衆奉將天罰爾衆士同力

王室尚弼予欽承天子威命

將行也我以爾衆士奉行天罰爾其同力王室度幾

輔我以敬承天子之威命也蓋天子討而不伐諸侯伐而不討仲康之命肩侯得天子討罪之權肩侯之征義



和得諸侯敵愾之義其辭直其義明非若  
五霸摟諸侯以伐諸侯其辭曲其義迂也  
火炎崑岡玉

石俱焚天吏逸德烈于猛火殲厥渠魁脅從罔治舊染

汙俗咸與惟新

崑出玉山名岡山脊也逸過渠大也言  
火炎崑岡不辨玉石之美惡而焚之苟

為天吏而有過逸之德不擇人之善惡而殲之其害有甚  
於猛火不辨玉石也今我但誅首惡之魁而已脅從之  
黨則罔治之舊染汚習之人亦皆赦而新之其誅惡宥善是  
猶王者之師也今案脞征始稱義和之罪止以其畔官  
離次假擾天紀至是有脅從舊染之語則知義和之罪  
當不止於廢時亂日是必聚不逞之人崇飲私邑以為  
亂黨助羿為惡者也脞后徂征隱其叛逆而不言者蓋  
正名其罪則必鋤根除源而仲康之勢有未足以制后羿  
者故止責其曠職之罪  
纂註 薛氏曰殲厥渠魁義也赦  
而實誅其不臣之心也  
脅從仁也所以為王者之

師  
嗚呼威克厥愛允濟愛克厥威允罔功其爾衆士懋

戒哉

威者嚴明之謂愛者姑息之謂記曰軍旅主威蓋軍法不可以不嚴嚴明勝則信其事之必濟姑息

勝則信其功之無成誓師之未而復嗟歎以是深警之欲其勉力戒懼而用命也

纂註

愚謂太康失邦

仲康肇位正天下後望新政之日也義和天官所主歷象而乃沈亂于酒畔官離次傲擾天紀遐棄厥司至於日食大變尚罔聞知此而不誅何以責其餘哉胤侯之征所不能免也曰承王命徂征征伐自天子出也曰干先王之誅法令自先王制也曰以爾有衆奉將天罰有罪乃天所討也將帥奉天子之命天子奉天與先王之命仲康莅政之始命將出師而胤侯之誓如此則大本正大權立而大奸懼矣其克嗣祖考也宜哉然義和在堯時為四子既總於一人有司于朝有邑于野洒洒失職熙之可矣何至上煩王師之征無亦棄厥司荒厥邑羣

飲凶醜不可教誨故不得不然邪其曰殲厥渠魁脅從  
罔治舊染汚俗咸與惟新則脅衆以拒命染惡以成風  
已非一日傳謂助罪為惡特隱  
其叛逆而不言者豈不當哉

書傳輯錄纂註卷二